

ՂԵՐՈՒԲՆԱ ԵՉԵՍԱՑԻ

ԿԱՄ

ԳԱՐՈՂՈՒԹԻՒՆԻ ԵՔ ԾՐԲՈՅՆ

ԹԱԴԷՒ

ԵՒ

ԵՍԱՑԻ ԿԱԹՈՂԻԿՈՍ

ԱՂՈՒԱՆԻՑ



ՏՊԵԱԼ

ՔՅԹԵԿԵԼԵԿԵՆ ՇՐՈՒՆԻ ԾԵՎՈՂԻԵՆՑ

ՅԵՐՈՒԾԱՂԵՄ

1868-ՌՅԺԷ

9(3)

3-88

Հայր Գր. Գր. Գր. - Գր. Գր. Գր.
1904/1905.

ՂԵՐՈՒԲՆ Ա. ԵԴԵՍԱՅԻ

ՊԵՏՄՈՒԹՅՈՒՆ ԱԶԳԱՅԻՆ

Գր. Գր. Գր. Գր. Գր. Գր. Գր. Գր. Գր. Գր.
Վ. 42 258-268
269-270

5(3)


9(3)
3-38

XXV

✓

ՂԵՐՈՒԲՆԱ ԵՂԵՍԱՑԻ

ԹժՊՁԹ ԱՐԳԱՐՈՒ ԹՊՊԱՆՈՒԻ ՀԱՅՈՅ, ԷՆ ԲԱՐՈՅՈՒԹԻՒՆԷՐ
ԱՐՐՈՅԻ ԹՊՊՈՒԻ ԱՆԱՄԵԼՈՅ:



Ի ՔԱՀ ԱՆ ԱՅ ԱՊԵՏՈՒԹԵԱՆ

Տ. Տ. ԳԵՈՐԳԱՅ

ՊՍՏՈՒ ԱԾՐՆՏԻՐ Վ. ՀԱԽԱՌ ԿԱԹՈՂՈՒԿՈՍԻ
ԱՄԵՆԱՆ ՀԱՅՈՅ

ՀՐԱՄԱՆԱԻ

Տ. Տ. ԵՍԱՅԵԱՅ ՍՐԲԱԶԱՆ

ԱՐՔԵՊՈՍԿՈՊՈՍԻ

ԵՒ ՊԱՏՐԻԱՐԻԹԵԱՆ Ս. ԵՐՈՒՍԱԿԵՄԱՅ

ԵՒ Ի ՊԱՏՐԻԱՐԻԹԵԱՆ ԿՈՍՏԱՆԴՆՊՈԼԻՍՈՅ:

Տ. Տ. ՊՕՂՈՍԻ ՍՐԲԱԶԱՆ

ԱՐՔԵՊՈՍԿՈՊՈՍԻ



Ի ՏՊԱՐԱՆԻ



ԱՆԱՔԵԼԱԿԱՆ ԱԹՈՌՈՅ Ս. ՅԱԿՈՂԲԵԱՆՑ

ՅԵՐՈՒՍԱԿԵՄ

1868--ՌՅԺԷ

1868

1/153



~~5891~~

~~10376~~

32

ՆԵՐՇՆՈՒԹԻՒՆ

Ի ՇԱՐՍ պատմագրաց զորս յիշատակէ Սովսէս Խորենացի ՚ի պատմութեան իւրում, գտանի և Ղերուբնա որդի Ափշադարայ դպրի : Այս Ղերուբնա Ասորի գորով ազգաւ՝ էր դիւանագպիր արքային Հայոց Աբգարու որպէս և հայր իւր . «Ալ դրեաց ասէ Խորենացի, զամենայն գործս որ ինչ յաւուրս Աբգարու և Սանատրկոյ (եղևն), և եդ ՚ի դիւանին Ադեսիայ » (1) : Արդ յայտ իմն է եթէ և նա ինքն պատմագիրն մեր ծերունի ՚ի նմանէ առեալ գրեաց զերկուց թագաւորացն մերոց յիշատակելոց զգործս, սրոց արձանագրութիւնք պահեալ կային մինչեւ յաւուրս իւր ՚ի դիւանին Ադեսիայ, այն է մինչեւ ցհինգերորդ դար :

Այս գործոց Ասորի պատմագրիս կորուսեալ համարի ցարդ բնագիրն Ասորական . և ոչ ոք այլ յազգային և յօտարազգի պատմաբանից յիշատակէ զանուն նորա, բաց ՚ի միոց միայնոց Խորենացոյն : Սակայն են ամք երեք յորմէ հետէ դառա ՚ի գրքատան

(1) Խոր . Բ . 56 :

որքոյ Աթոռոյս ի միում ճառքնորի հաւտուած մի բանից՝ որոյ վերագիրն է . «Թուղթ Աբգարու թագաւորին Ադեսեայ քաղաքի՝ որ թարգմանի Ասորի լեզու Առհայ, որդւոյ Սանտւոյ » : (Յորում պատմի հաւատալն Աբգարու ի Քրիստոս, թղթել նորա առ նա և ընդունել զպատասխանին, գալուստ թագէի առաքելոյ յետ համբառնալոյ Փրկչին՝ առ Աբգար ի Հայս, քարոզութիւնք նորա, և այլն : Այլ ի վսիսճան բանիցն ասէ . «Վաբուբնա (Վերուբնա) որդի Աբգաշարադոյ դպրի թագաւորին գրեաց զամենայն ինչ զոր միանդամ իրք եղեն Ադգէի առաքելոյ ի սկզբանէ մինչև ի կատարած . . . և եդին ի տան յիշատակաց քարտխից . . . » :

Աբգ ի համեմատել մեր զայն գործ ընդ պատմութեան Սոփեսի քերթողահօր, գտանեմք՝ ըստ նորին իսկ վկայութեան, հանեալ ՚ի նոյն գրոց՝ զոր ինչ պատմէ ըզթագաւորութենէն Աբգարու : Իսկ զգուշնաքեաց տարբերութիւնն մարթ է ընծայել թարգմանչին : Քանզի Սոփէս խորենացի ՚ի բուն իսկ Ասորի բնագրէն քաղեաց հան որ ինչ պէտք իւրոյ պատմութեան էին, իսկ Հայերէն թարգմանութիւնն զորմէ է

բան մեր, յայլաց է արարնալ յաշակերաւ
 կցաց նորին, և որպէս հաւանեալս եմ՝ Ազնը-
 կայ կամ Յովսէփայ Պաղնացւոյ, որք հրա-
 մանաւ սրբոյն Մեսրոպոսոյ յետ գիւտի հայ-
 կական գրոց առաքեցան Ազնըսիա Թարգ-
 մանու Թեան աղագաւ (1)։ Այլ զի նպատակ
 Թարգմանչացն մերոց ըստ պահանջելոյ դա-
 րուն այնորիկ՝ էր յառաջադիմութիւն քրիս-
 տոսական հաւատոց, և ոչ ուշ այլոց մա-
 տանց եզին ի Թարգմանու Թեան, բայց ե-
 թէ գրոց սրբոց և վարդապետական ուսմանց,
 վասն որոց և որք զՎերու բնայ գիրսն կամե-
 ցան հեղուլ ի հայ, զքարոզութիւնսն և
 եթ ընտրեցին հանել ի բան և ի գիր հայե-
 ցի, համառօտակի իմն անցեալ զպատմա-
 կան անցիցն Աբգարու, որ պատճառք եղեն
 նորա ճշմարիտ հաւատոցն և երթալոյն առ
 նա Ս. Թարգէի Այլ զի կարճութիւն ժամանա-
 կին զոր կացին անդ ի պարապումն Թարգ-
 մանու Թեան՝ Աղնիկ և Յովսէփ, որք շտա-
 պէին իմն դառնալ առ վարդապետսն իւ-
 րեանց և անտի ի Վիւղանդիա դիմել, աբ-
 գել եղեն նոցա զամբողջ մատեանն հեղուլ
 ի մեզ։

Թարգմանու Թիւն սորին ի լեզու գաղ-

(1) Խորեն. Գ. 60.

զհասկան լեալ ասի ի Յովհաննէս Ռափա-
 յէլ Ամինէ, որ և ածաւ ի լոյս տպագրու-
 թեամբ յընթացս ամի անցելոյ, շնորհիւ
 աշխատասիրութեան Ա իկատր Ա անկըայ գաղ-
 զհացւոյ հայազխտի, և որպէս սրամէ սա-
 ինքն, բնագիր թարգմանութեանս գտեալ
 է ի միում ճառընտրի եղևոյ ի կայսերական
 գրատան Փարիզու, Ի բաղդատել մեր ըզ-
 սոյն ընդ մերումս բնագրի, բաց ի դուզ-
 նաբեայ զանազանութեանց գտար ի նմա
 պարամութիւն գիւտի սրբոյ խաչին ի ձե-
 սըն Պատրոնիկեայ թագուհւոյն Աղօղխայ
 կայսեր, Աւ զի սրտաշայք սրտմութեանս
 այտորիկ ըստ մասին իմիք նման է պատմու-
 թեան Հեղինեայ մօր մեծի Աստանդխանտի
 սր համարի երկրորդ գտիչ սրբոյ խաչին, վա-
 սըն որոյ Ա անկըստ ասէ զառաջնոյն՝ լինել վը-
 բիպակ ժամանակագրական և յայլոց ոմանց
 հետագայից մուծեալ ի բնագիրն, թէպէտ
 և չգուցէ մեր առձեռն պատրաստ վիայու-
 թիւնք ի նպաստ ստուգութեանս պատմու-
 թեանս, յայլոց պատմաբանից երիցագունից
 ժամանակաւ խօսեցեալ, սակայն չմեղանչէ
 որ թերեւս ընդդէմ պատմական ստուգու-
 թեան՝ կարծել զառաջին գիւտ խաչին ե-
 ղեալ ի ձեռն Պատրոնիկեայ, որ եկաց յաւու-

բըս եպիսկոսոսապետութեան Յակովբայ Տեառնեղբոր : Վանդի գրի առ մեզ ի ճառքնատիրս ⁽¹⁾ ի վարս Հախիսիմեայ կուսին սր էր յազգականութենէ Ալլոդեայ կայսեր , բերեալ նորա ընդ իւր ի Հայս զմասն սրբոյ նշանին զոր Պատրսնիկեայ ընդ իւր տարեալ էր ի Հատիմ ի դարձին Աշրուսաղէմէ՝ խնդրելով զնոյն ի սրբոյն Յակովբայ , և այն է հռչակեալն առ Հայս սուրբ խաչն Վարագայ : Իսկ եթէ առ քարոզութեամբ Թադէի , այսինքն յառաջին ամսն համբառնալոյ Փրկչին չև էր տակաւին գտեալ սուրբ խաչն յայնժամ կարեմք գայս և եթ ասել ի լուծումն տարակուսանայ , եթէ ի բուն բնագիրն ասորական յետոյ յաւելեալ իցէ ի նորին Աերուբնայ , զորմէ ասի եթէ գրեալ ի սկզբանէ մինչև ի կատարած զորինչ իրք և զնն Թադէի առաքելոյ : Վանդի , Թարգմանութիւնն Հայերէն մի և նոյն է ընդ բուն գրոյն , այն է յառաջնոյն մերոց Թարգմանչայ արարեալ՝ որպէս վերագոյն ցուցաք : Եւ զի զժամանակս կարգի սրատմութեանն ձգէ մինչև ցլխսման առաքելոյն , այն է ցամ Տեառն 51 , կամ ցութե-

(1) Տես Հատ. սր 154 . հատ . Դ . Գ . Յայտնաւորս փետր . 26 . կամ Տարտ 5 . Վարք սրբոյ լիակատար . Գեր . 1090 .

բորդ ամն կայսերու թէ՛ Աղօղիայ ըստ Այլք .
 վարդապետի Չառհեան , վասն որոյ ոչ է զար-
 մանալ եթէ ի քարոզու թիւնս անդ արձա-
 նագրէ և զանցս ինչ հետադայս և զվկայու-
 թիւն Ադդէի աշակերտի առաքելոյն : Աս-
 կայն խոստովանելի է և զայս , զի գտանին
 ի գիրս յայս և դու զնորեաց վրիպակք կար-
 դի ժամանակաց , որպիսի է Արապխան եպիս-
 կոսոսն յեափն յոյժ ժամանակաւ , յորմէ ա-
 ուէ ընկալեալ Փղոտայ յաջորդին Ադդէի ըզ-
 ձեռնագրու թիւն իւր . այլ այսպիկ ոչ ինչ զօ-
 րեն յարուցանել տարակոյս ընդ միտս մեր
 ի վերայ հարազատու թեան գրոցս , և ընծա-
 յել զայն այլում քան եթէ Վերուրնայ .
 զոր ընդ մեզ և այլք ՚ի բնագրանից ընդու-
 նին լինել հեղինակ գրուածոյս :

Ի մերումս այս բնագրի , որպէս կանխեսցաք
 ասացար , ոչ յիշատակի պատմութիւն
 գիւտի խաչին , և թերեւս այսու առ քըն-
 նաբանս հարազատագոյն եւս համարիցի
 բնագիրս մեր , սակայն է իմն և աստ ակնար-
 կութիւն նշանաց և սքանչելեաց եղելոց ,
 որպիսի ինչ յառնել գտներն Աղօղեայ ի
 յանկարծահաս մահուանէն . քանզի ասէ .
 « Ասեմ առաջի ձեր իբք ինչ որ եղեն առ-
 մարդոց . և սակաւ ինչ յառաջ անցեալ ,

«Յակովբոս առաջնորդ եկեղեցւոյն Արուսազէմի որ ինքնին իսկ աչօք իւրովք ետես զիրս զայս, գրեաց և ետ տանեւ ընկերաց իւրոց առաքելոյն ամենեցուն յաշխարհս և ի քաղաքս . . . » : Իսկ թէ զինչ այն իցէ զոր առնէր Վրիտտոս առ մարդիկ առ ի ձգել զնոսա ի ծանօթութիւն աստուածութեան իւրոց, ոչ ինչ յիշատակէ : Ասան որոյ և մեր ի կարգի մերում ասեմք՝ եթէ զայսու սրամութեամբ զանց արարեալ իցէ օրինակօղն :

Ասեմք եւս, թաղէոս ստաքեալ եկեաց մինչեւ ցութերորդ ամն Աղօղեաց, և հասեալ առ նա լուր սքանչելեացս ի Յակովբոսէ առաջնորդէ եկեղեցւոյն Արուսազէմի, ըստ վկայելոյ գրոյն՝ զոր տեսաք, յետոյ առ ի գիտութիւն հաւատացելոց իւրոց յաւել յարձանագրութիւնան ի ձեռն՝ Վերուրնայ գիւանագարի արքունւոյ, որում հազորդեալ էր ըստ նորին իսկ հայցելոյ՝ հաբկանեւ ՚ի մատենի զբարձրագոյն խորհուրդս վարդապետութեանցն Վրիտտոսի, որ ի վերէին մտաց հեթանոս մատենագրին :

Չայսոսիկ առանց պնդելոյ՝ զկարծիան մեր միայն առաջի դնեմք քննասիրաց : Իսկ զմիւս տարբերութիւնան որ ի մէջ բնագրի

մերում և գաղղիականին, և զայլ ինչ ինչ ծանօթութիւնս նշանակեմք իւրաքանչիւր ի ներքոյ էջից, և զպատմութիւնն գիւտոյ խաչին որ եղև ի ձեռն Պատրոնիկեայ՝ դռնեմք առանձինն յաւարտ մատենականս, հանելով ի մեծադիր ճառընտրէ գրատան սրբոյ Աթուոյս, Համար 1. Հատ. Գ. ԳԼ. մ ձ թ, (1) որ է բոլորագիծ գրեալ Այրուսաղէմ ի պատրիարքութեան Սարափրոսի Ագիտատեցւոյն, ի թուին հայոց սկիզբ (1419), հրամանաւ նախորդին իւրոյ Պօղոսի, մինչև ընկալեալ նորա զկաթողիկոսութիւն Աթուոյն Սրսոյ: Իսկ բուն գործք Վերուբնայ գասնի ի ճառընտրի Համար 154, քառահատոր, նստրագիծ գրեալ Այրուսաղէմ ի թուին հայոց ռճձզ (1737), ձեռամբ Ազիս վարդապետի՝ Ասղաշ կոչեցելոյ, և պարունակի ՚ի գլուխն նշէ:

(1) Ի յաջորդ գլխով մզ, պատմէ զերկրորդ գիւտոյ սրբոյ խաչին որ եղև ՚ի ձեռն Հեղինեայ մեր մեծին կոստանդիսնոսի:

ՂԵՐՈՒԲՆՍ. ԵՒԵՍԱՑԻ

ԹՎԱՅԹ Արգարու Թագաւորի առ զբիսապս, եւ թար-
ջութիւնք սուրբ առաքելոյն Թագեի :

ՅԱՄԻՆ երեքհարիւրերորդի քառաս-
ներորդ երրորդի ⁽¹⁾ Թուականութեանն ⁽²⁾
Յունաց, ՚ի Թագաւորութեան Տիրերեայ
կայսեր Հոռամոյ, յորժամ Թագաւորեաց
Աբգար որդի Սանովայ ⁽³⁾ արքայի ի Միջագե-
տըս Ասորւոց, զկնի երեսունն եւ երկու ա-
մաց, որ օր երկոտասան էր արէ ամոյ, ա-
ռաքեաց Աբգար արքայ զԱրբիհաբ ⁽⁴⁾ եւ
զԱմշագրամ զգլխաւորս եւ զպատուականս
Թագաւորութեանն իւրոյ. եւ զԱնան հաւա-
տարիմ իւր ընդ նոսա, հանդերձ թղթովք
ի քաղաքն որ կոչի Ալեւթրոսօլիս, եւ յԱս-
րի լիզու Բէթբու բրին, առ մեծ եւ պատուա-
կան Սարինոս ⁽⁵⁾ Ալատորգեայ. որ էր հազա-
րապետ կայսեր եւ իշխան ի վերայ Ասորւոց
եւ ի վերայ Փիւնիկեցւոց եւ Վալէսօոնեաց-
ւոց : Ալատարան նմա զԹու զԹսն վասն ար-

քունի իրացն , Այլ իբրեւ չոգան նորա առ
նա , բնկարաւ զնոսա խնդու-թեամբ և մե-
ծարանօք . և եղեն առ նմա աւուրս քսան
և հինգ : Այլ գրեաց նոցա թուղթս փոխա-
նակ թղթոյն զոր բերին նմա , և առաքեաց
զնոսա անգրէն առ թագաւորն Աբգար :
Այլ ելեալ նոցա ի նմանէն գնացին դէպ ու-
ղիղ ընդ ճանապարհ որ երթայր Արուսա-
ղէմ : Այլ տեսեալ նոցա զբաղմու-թիւն մար-
դկան որ գային ի հեռաստանէ զի տեսանի-
ցեն զՔրիստոս , քանզի էր ելեալ համբա-
ւքանչի լեացն և նշանացն զոր առնէր ընդ ա-
մենայն աշխարհ , գնացին և նորա ընդ նոսա
Սարիսար և Շամհադրամ և Անան հաւա-
տարիմ , արքային : Այլ իբրեւ մօխն նորա Այ-
րուսաղէմ , նայն ժամայն տեսին զՔրիստոս ,
և ուրոխ եղեն մեծապէս հանդերձ ժողո-
վորդովն որ ընդ նոսա : Այլ տեսանէին եւս
զՀրեայն ժողովեալ ժողովս , և խորհէին
թէ զինչ տրտոցնն նմա , և տրտմեալ էին
յո՛ժ խափեալ Հրեայքն . զի տեսանէին
միշտ զբաղմու-թիւն մարդկան իւրեանց , որք
խոստովանէին ի նա : Այլ լիեալ նոցա Այ-
րուսաղէմ աւուրս տան (6) :

Այլ գրեաց Անան հաւատարիմ արքային
զամենայն զոր ինչ ետես նա զոր առնէր Քր-

բխտոս, և զամենայն զոր ինչ միանգամ արա-
 բեալ նորա յառաջագոյն, մինչև և երթեալ
 էին նորս անգր: Այլ գնացեալ անտի եկին
 յԱռահա քաղաք, և մտեալ նոցա առաջի
 Աբգարու թագաւորի տեառն իւրեանց,
 ետուն նմա զպատճէն թղթոյն զոր բե-
 ռին անտի: Այլ զկնի ընթեռնոց զթուղթան,
 սկսան պատմել առաջի թագաւորին զամե-
 նայն ինչ զոր առնէր Վրխտոս Այրու սաղէմ:
 Այլ ընթերցեալ Անանայ առաջի նորա զա-
 մենայն որ ինչ միանգամ գրեաց և երեք ի
 տուն իւր:

Այլ լուեալ զայն Աբգարու արքայի՝ զար-
 մանայր մեծապէս, և ասէր ցոյետս և ցիշ-
 խանս իւր որ կային առաջի նորա. «Այս
 զորու թիւ նք ոչ են մարդկան՝ այլ Աստուծոց.
 քանզի չիք ոք ի մարդկանէ որ կարէ յա-
 բուցանել զմեռեալս՝ բայց միայն Աստ-
 ուածն: Ասմեցաւ ինքնին երթալ ի Պաղես-
 տինէ, զի աչօք իւրովք տեսցէ զՎրխտոս
 և զամենայն նշանսն զոր առնէր, և վասն զի
 չէր յիւր ի խանու թիւն աշխարհն Հստանց
 ընդ որ ինքն երթալոց էր, զտեղի կալաւ
 զի մի պատճառք ինչ լինիցին թշնամու թէ:
 Վրեաց այնու հետեւ թուղթ, և տայ տա-
 նել առ Վրխտոս ի ձեռն Անանայ հաստատար:

մի Վլադ գնացեալ նորա յՎլադ հայէ, որ օր չօր
 բեքտասան էր արեգ ամսոյ, և մտեալ նորա յԱշ-
 քու սաղէմ, որ օր երկուսասան էր անէկի ամ-
 սոյ չօրեքշաբաթի օր Վլադ գտեալ նորա զՎաթի-
 տան Վամաղիէնի քահանայապետին Հրէից,
 և ընթերցեալ զԹուղթն աս աջին նորա, զոր
 գրեալ էր այսպէս. «Վրգար Վրչամայ՝ առ
 Յիսուս բժիշկ մեծ (7), որոյ երեւեալ յեր-
 կիրդ Հրէաստանի ի քաղաքիդ Արուսաղէմ:
 Տէր լուսոյ վասն քոյ և վասն բժշկութեան
 ցըդ զոր առնես, զի ոչ գեղովք և արմա-
 տօք բժշկես դու, այլ բանիւ զկոյրս լուսա-
 շորես, զկալս գնացուցանես և զքորոտս
 արբես, և խլից լսել տաս, և զդեւս հարածես,
 և զմեռեալս յարուցանես, և զամենայն չար-
 չարեալս և զախտաժէտս բանիւ բժշկես:
 Վլադ իբրեւ լուայ ես զայսպիսի մեծամեծ բա-
 քանչելիս զոր առնես դու, եղի ի մօի ի
 ժում և հաւատացի թէ Վստուած ես դու
 և սրդի Վստուծոյ որ իջեր յերկնից և առ-
 նես զայդ ամենայն, վասն այսորիկ գրեցի
 տա քեզ աղաչանս՝ գալ քեզ առ իս, զի եր-
 կիրսրագից քեզ, և բժշկեացիս զիս ի ցա-
 ռոց և ի հիւանդութենէ իմմէ, որպէս հա-
 շատացի ի քեզ: Վլադ զայս եւս լուայ էթէ
 Հրէայք տրանջեն գրէն և հարածեն ըզ-

քեզ, և կամին կորուսանել զքեզ, քաղաք մի է իմ փորրիկ և վայելուչ, և բաւական է երկոցունց մեզ բնակել ի սմա խաղաղութեամբ ։

Այլ ընկալեալ Յիսուսի զԹուղթն ի տան քահանայապետին Հրէից, ասէ ցԱնան հաւատարիմ արքային. «Այրթ և ասա⁽⁸⁾ տեա, որն բում որ առաքեացն զքեզ առ իս, երանի է քեզ զի հաւատացեր յիս մինչեւ տեսեալ քո զիս. զի այսպէս գրեալ է վասն իմ, զի սրբ տեսանեն զիս՝ ոչ հաւատան, և սրբ ոչ տեսանեն՝ հաւատացեն ։ Այլ զի գրեցեր դու առ իս գալ ինձ առ քեզ, վարն սրոյ առաքեցայ ևս յաշխարհ. կատարեալ է ամենայն ։ Այսուհետեւ վերանամ առ Հայր իմ որ առաքեացն զիս. և յորժամ վերացայց առ նա, առաքեմ առ քեզ մի յաշակերտաց իմոց, զի բժշկեսցէ զքեզ և զամենայն ժողովուրդ քո որ ընդ քեզ. և դարձուցէ զձեզ ի կեանսն յաւիտենականրա, և քաղաքդ քո օրհնեալ լիցի, և թըշնամի մի տիրեսցէ դմա յաւիտեան ։ Այլ իբրեւ լուաւ զայս ամենայն Անան զոր ասաց ցնա Յիսուս, առեալ նկարեաց ըզտատկերն Յիսուսի ընտիր դեղօք, քանզի տրուեստաւ որ Թագաւորին էր, և բերեալ

մատոյց Մբգարու թագաւորի տեառն իւրեանց : Այլ իբրեւ ետես Մբգար թագաւոր զպատկերն Յիսուսի , ընկալաւ զնա մեծաւ ուրախութեամբ , և եղ զնա պատուով ի սենեկի իւրում յապարանս իւր : Այլ պատմեաց նմա Մնան զամենայն ինչ զոր լուաւ ի Յիսուսէ :

Այլ յետ վերանալոյն Քրիստոսի առ Հայր իւր յերկինս , թուումաս մի յերկտասանիցն առաքեաց առ Մբգար զԱդդէ ⁽⁹⁾ առաքեալ : այն որ մի յել թամասուն և երկուցն էր : Այլ իբրեւ եկն Ադդէ առաքեալ յԱւահա քաղաք , և եմուտնա ի տուն Տուբիայ ⁽¹⁰⁾ որդւոյ Տուբէի հրէի , որ էր յաշխարհէն Պաղեստինացւոց . և լուր եղև վասն նորա ընդ ամենայն քաղաքն : Այլ մտեալ մի ի նախարարացն Մբգարու թագաւորի որում աւնուն էր Մբգիու որդի Մբդուայ՝ ի գլխաւորաց քաղաքին , որ էր աթոռակից թագաւորին , և ասէ ցնա . « Ահաւատիկ հրեշտակ սին եկեալ մտեալ է աստ . միթէ նա՞ իցէ սա , վասն որոյ առաքեաց ⁽¹¹⁾ առ քեզ Յիսուս՝ եթէ յղեցից առ քեզ մի յաշակերտաց խնոց որ բժշկէ զքեզ » : Այլ իբրեւ լուաւ Մբգար արքայ վասն Ադդէի և վասն նշանացն զոր առնէր և բժշկութիւնս մե-

ճամբե՛ծօ, ա՛ծ զմաւ իւրով՝ և հաւատաց
 ի սրտի իւրում՝ թէ՛ ճշմարիտ նա է՝ վասն
 սրոյ առաքեացն առ նա՝ Յիսուս, թէ՛
 յորժամ՝ վերացայց առ Հայր իմ՝ յերկինս,
 առաքեցից առ քեզ մի յաշակերտաց խնց
 սր բժշկեսցէ՛ գքեզ՝ Այլ յղեալ Աբգարու
 թագաւորի կոչեաց զՏուրխա և ստէ ցնա-
 ՛ւ՝ Աւայ ես եթէ՛ այր մի զօրաւոր եկեալ
 մտեալ է ի տուն քո, արդ՝ ա՛ծ զնա առ իս,
 զի գտանիցի ինձ յոյս բարի առողջութեան՝
 սրով բժշկեցայց ի ցաւոց խնց ։

Այլ կանխեալ Տուրխայ ի վաղիւն և ա-
 ւեալ ընդ իւր զԱղդէ առաքեալ տարաւ
 զնա առ թագաւորն, Այլ գիտէր ինքն Աղ-
 դէ ի սրտի իւրում՝ թէ՛ կարող եմ գորու-
 թեամբն Աստուծոյ կատարել զամենայն
 կամս նորա ։ Այլ իրբեւ եմուտ նա առ Աբ-
 գար թագաւոր, մինչդեռ կային նախարարք
 և իշխանք մեծամեծք առաջի նորա, և ի
 մտանել նորա առ նա՝ տեսիլ զարմանալի
 երեւեցաւ Աբգարու յերեսաց Աղդէի, և
 ինմին ժամու իբրեւ ետես Աբգար զաե-
 սիլն անկաւ առաջի նորա և երկիրեպագ
 նմա, և զարմոցան ամենեքեան սր կոչ-
 ին առաջի նորա, զի նորա ոչ տեսանէին
 զտեսիլն սր երեւեցաւ Աբգարու ։ Յայն-

Ժամ ասէ Մբգար ց՛ղդէ . « Ղշմարիտ ասա
ինձ՝ եթէ արդարեւ դո՛ւ ես աշակերտ Յի-
սուսի զօրսւորին Արդւոյն Մտուծոյ , որ ա-
ռաքեացն առ իս և ասէ , թէ յղեցից առ
քեզ մի յաշակերտաց իմոց որ շնորհեացէ
քեզ բժշկուեթիւն և կեանս » : Մտէ ցնա
Մղդէ . « Վանդի յառաջագոյն հաւատացեր
դու ինա , վասն այնորիկ առաքեաց զիս առ
քեզ , եթէ հաւատացես դու ինա բոլորով
որաիւ քով , զամենայն զոր ինչ խնդրես՝ ե-
ղիցի քեզ » : Մտէ ցնա Մբգար թագաւոր .
« Մյնպէս հաւատացի ինա , զի Հրեայքն
որ խաչեցինն զնա՝ կամեցայ երթալ զօրօք
իմովք և ստտակել զնոսա , և վասն թագա-
ւորութեանն Հռոմոց արդելայ . քանզի
ուխտ խաղաղութեան կացուցեալ էր ի մի-
ջի մերում ընդ իս և ընդ Տիրերիտս կայսր ,
որպէս հարցն մերոց առաջնոց » : Մտէ ցնա
Մղդէ առաքեալն . « Տէր մեր Յիսուս Վը-
րիստոս իբրեւ կատարեաց զկամս Հօր իւրոյ ,
համբարձաւ առ ծնօղն իւր , և նստեալ նու-
րա ընդ նմա ի փառսն յախտենից՝ յորում
էրն ի սկզբանէ » : Մտէ ցնա Մբգար թագա-
ւոր . « Վու ես հաւատամ ինա և ի Հայր նու-
րա » : Մտէ ցնա Մղդէ առաքեալ . « Վասն զի
հաւատացեր սրաի՝ մտօք , դնեմ զձեռն իմ ի

վերայ քո յանուն նորա յոր հաւատացե-
լին ։ Եւ նոյն ժամայն եդ զձեռն իւր ի
վերայ նորա . և բժշկեաց զնա ի հարուածոց
ցաւոցն որ էր ի նմա ի բազում ժամանակաց .
Եւ զարմացեալ Մբգարու և սքանչացեալ մե-
ծապէս , թէ որպէս լուեալն էր նորա վասն
Յիսուսի , թէ որպէս ⁽¹²⁾ բժշկէր բանիւ ա-
ռանց գեղաց յանուն Յիսուսի Վրիստոսի ։

Եւ Մբգիսու սրդի Մբգէի իբրեւ ե-
տես զի բժշկեցաւ Մբգար թագաւոր , մա-
տոց զոսս իւր առ նա զի պատապրոս էր . և
եդեալ զձեռս իւր ի վերայ նորա և բժշկեաց
զնա , և այլ ոչ եղև ի նա նոյնպէս . Եւ նոյն
պէս յամենայն քաղաքին առնէր նշանս մե-
ծամեծս և զօրութիւնս , և բժշկէր զամե-
նայն գաւս և զհիւանդութիւնս նոցա , և
նշանս և զթութիւնս ցուցանէր նոցա . Եւ
ցնա Մբգար . « Մբգ այսուհետեւ գիտեմք
ամենեքեան զի զօրութեամբ և անուամբն
Յիսուսի Վրիստոսի առնես դու զսքանչելիս
զայսոսիկ . և ահա զարմացեալ եմք ընդ ա-
մենայն գործս քո , Եւ զաչեմք զքեզ զի պատ-
մեացես մեզ վասն գալտականն Վրիստոսի ,
թէ գիտնդ եղև , և վասն փառաւորեալ
թագաւորութեան նորա , և վասն սքանչե-
լեացն զոր առնէր որպէս լուսք , զորս քո

տեսեալ հանդերձ այլ ընկերովք քովք : 7
 Ասէ ցնա՛ Վդդէ առաքեալ . « Այս ոչ դադա-
 րեմ ի քարոզելոյ , զի վասն այնորիկ առաքե-
 ցոյ այսր ասել և ուսուցանել ամենեցուն
 որ միանդամ կամին հաւատալ իբրև ըզ-
 քեզ : Արդ՝ հրաման տուր առ վաղիւ և
 ժողովեա առ իս զամենայն քաղաքս , և սեր-
 մանեցից ի սես զբանն կենաց զոր քարո-
 ղեմ առաջի ձեր վասն գաղստեանն Վրիստո-
 սի . թէ զխորդ եղև , և յաղագս Հօր ա-
 ռաքչի նորա՛ թէ վասն էր , և կամ սրպէս
 առաքեաց զնա . և յաղագս զօրութեան նո-
 րա և զարմանալի գործոց իւրոց , և վասն
 փառաւորեալ խորհրդոց նորա զոր խօ-
 սեցաւ յաշխարհի . և վասն ճշմարիտ քա-
 ղոյս թեան նորա՛ թէ սրպէս և վասն էր
 փորրկացոյց զանձն իւր և խնտարհեցոյց ըզ-
 քարծրութիւն աստուածութեան իւրոյ ի
 մարդկս թիւնս մեր զոր ան . և խաչեցաւ
 կամօք իւրովք և էջ ի մեռեալս , և խրամա-
 տեաց զցանկն զոր երգէք ոչ որ էր խրամա-
 տեալ , և կեցոյց զմեռեալս մահաւամբ իւ-
 րով . և իջեալ ինքն միայն և ելեալ հան-
 դերձ բաղձօք առ Հայր իւր փառաւորեալ ,
 այն որ ընդ նմա էր ի սկզբանէ միով առ
 աստուածութեամբն բարձրելոյ : 7

Եւ հրամայեալ Աբգարու թագաւորի
 տալ Աղդէի առաքելոյ արծաթ ե ոսկի ե
 պարզեւս բազումս : Եւ զիցնա Աղդէ . «Օ Ե
 ւորդ կարասցուք առնուլ զոր ինչ ոչ է մեր .
 զի ահա սր ինչ մերն էր՝ թողար ըստ սա
 տուիրանին Տեառն . զի առանց քսակի ե
 առանց մախազի բարձեալ զխոչ ի վերաց
 ուսոց մերոց հրամայեաց մեզ քարոզել զա
 ւետարանն իւր ընդ ամենայն արեգերս , այն
 որ ամենայն արարածք խնացան ե չարչարե
 ցան ի թաշեղութեան նորա , որ եզեւ փա
 խունակ մեր ի փրկութիւն ամենայն մարդ
 կան » : Եւ պատմեաց նա զամենայն ինչ
 առաջի Աբգարու թագաւորի ե առաջի
 ամենայն իշխանաց ե նախարարաց նորա ,
 ե առաջի Աւգոստոսիեաց մօր Աբգարու
 ե Շղամաթեաց դստեր Սիհրդաթայ կինջ
 Աբգարու՝ զամենայն նշանան ե զտանելիան
 Տեառն , ե զփառաւորեալ զօրութիւն նորա
 զոր առնէր նա , ե զսասուածեղէն զօրու
 թիւնս նորա , ե զվերանալ նորա յերկինս
 առ Հայր իւր . ե թէ որպէս առնէր զօրու
 թիւնս մեծամեծս իշխանութեամբ բազմա
 ի ժամ վերանալոյն իւրոց . ե զի նովին զօրու
 թեամբ բժշկեաց նա զԱբգար ե զԱբգի
 աւ զորդի Աբգէի զերկրորդ թագաւորու

Թեան նորա : Աւ եցոյց նոցա թէ զխորդ
 յայտնելոց է նա ի վախճան ժամանակաց ե
 ի կատարած ի ամենայն աշխարհի ե ի յարու
 թիւն կենդանութեան որ պատրաստեալ
 է լինել ամենայն մարդկան . ե որչառմն լի
 նելոց է ի մէջ գառսնոց ե ուրուց ե ի մէջ
 հաւատացելոց ե անհաւատից : Աւ ասէ զը
 նոսա Մտդէ . «Վասն զի դուռն կենաց ան
 ձուկ է ե ճանապարհն ճշմարտութեան
 նուրբ է , վասն այնորիկ սակաւք են հաւա
 տացեալք : Աւ քանզի յանհաւատան հան
 դիստ է սատանայի , վասն այնորիկ բա
 զումք են սուտք որ խաբեն զտեսողս . այլ
 եթէ ոչ էր բարխոյ կատարածն որ լինելոց
 է մարդոց հաւատացելոց , ոչ իջանէր Տէրն
 մեր յերկնից , ե ոչ գայր ի ծնունդ ե ի շար
 շարանս մահու , ե ոչ առայբեր զմեզ զի լի
 ցուք քարոզիչք ե աւետարանիչք նորա .
 զոր տեսաք ե լուաք ի նմանէն , զի որպէս ե
 ուսուցանէր ե առնէր համարձակութեամբ ,
 քարոզեմք յայտնի ամենայն ուրեք զի մի
 զլացողք ճշմարիտ աւետարանի նորա լինի
 ցիմք . ե ոչ եթէ այս միայն , այլ ե որ ինչ
 եղև յանուն նորա զկնի վերանորոյ նորո
 ցուցանեմք ե քարոզեմք ամենեցուն (15) :

«Մտդ ասեմ առաջի ձեր իբք ինչ որ եղևն

առ մարդս, որք իբրև զձեզդ հաւատացին
 եթէ Վրխատու է նա ոչդի Վստուծոյ կեն-
 գանւոյ Վրդ՝ զամենայն ինչ զոր սունեն
 ընկերքն իմ առաքեալք, առաջի ամենայն
 ուրուք քարոզեն՝ զի լուիցեն ամենեքեան
 որ ոչն գիտեն զոր ասէ Վրխատու ի ձեռն
 մեր յայտնապէս, զի փառաւորեացի անուն
 նորա յամենայն ումեքէ: Վրդ՝ զայս ամե-
 նայն զոր պատմեցի առաջի ձեր զի ի միս
 առնուցուք և հաւատացէք, եթէ նրբան մեծ
 է անունն Վրխատուի որ հաւատան ի նա
 ճշմարտութեամբ: Վյ Յակոբոս առաջ-
 նորդ եկեղեցւոյն Վրուսաղէմի, որ ինքնին
 իսկ աչօք իւրովք ետես զիրա զայս, գրեաց
 և ետ ասնել ընկերաց իւրոց առաքելացն
 ամենեցուն յաշխարհս և ի քաղաքս որ
 շուրջ էին ի նոսա: Վւ նոքին իսկ առաքեալ-
 քնն ընկերակիցք նորա գրեն իսկ և ցուցու-
 նեն նմին իսկ Յակոբու զամենայն ինչ զոր
 սուներ Վրխատու ի ձեռն նոցա, և ընթեռ-
 նուն և պատմեն առաջի ժողովրդեանն:

Վւ իբրև լուաւ զայս ամենայն թագաւորն
 Վքգար և Շ զամսթէ դուստր Աիհրդաթոյ
 կեոջ նորա և Փակրոյ և Վրէդ—Շէմոյ և
 Շամշագրամ և Վքդիու և Վղի և Վարքա-
 զաբա հանդերձ այլովք ընկերօք իւրեանց,

աբախս եզինն յայժ և փառաւորեցին զՆստ
 աւած ամենեքին խաստովանելով ի Քրիստոս :
 Ասէ Աբգար թագաւոր ցԱշգէ առա
 քեալ . « Այամիմ ես զի զամենայն ինչ զոր
 լուար ժէք ի քէն հանգերձ այլովք , առաջի
 ամենայն քաղաքիս ասացես յայննապէս ,
 և լուիցէ ամենայն որ զքարսզու թիւն աւե
 տարանին Քրիստոսի զոր սւսուցանես դու .
 և հանգիցուք և հաստատուցուք ի վարդա
 պետու թեանգ քում զոր սւսուցանես դու
 մեզ . և ի միտ առեալ բազմաց թէ յիսաւի
 հաւատացի ես ի Քրիստոս թղթովն խնով
 զոր առաքեցի ես առ նա . և իմացին ամե
 նեքեան թէ Նստուած է նա և որդի Նստու
 ծոց , և դու ճշմարիտ և հաւատարիմ աշա
 կերս ես նորա , և զփառաւորեալ զորու
 թիւն նորա արգեամբք ցուցանես առաջի
 ամենեցուն որք կամին հաւատալ ի նա » :

Այլ զկնի աւուրն այնորիկ հրամայեաց
 Աբգար թագաւոր Աբղուայ որդւոց Աբ
 գէի որ բժշկեալ էր ի դառն ցաւոց ոտից
 իւրոց , զի առաքեացէ քարսզս կոչել զամե
 նայն քաղաքն . և ժողովեացի ամենայն քա
 ղաքն արք և կանայս ի տեղի մի կոչեցեալ
 Նեթբարայ , անդորր ⁽¹⁴⁾ տեղի մերձ տա
 նքն ⁽¹⁵⁾ Աւիգեայ որդւոց Աբղեխէի , զի

յու իցենն զվարդապետութիւնն Ազգէի առաքելոյ, թէ զհանրոց ուսուցանէր, կամ յորանուամբ բժշկէր, և կամ որով զօրութեամբ առնէր նշանս և սքանչելիս: Վանդի յորժամ բժշկեաց զՎրգար թագաւոր, նախարարք իւր միայն կային առաջի նորա, որք տեսին զի բանիւ Վրխատոսի բժշկեաց զնա, զոր բազում բժիշկք մեծաւ աշխատութեամբ սչ կարացին բժշկել զնա, և այր մի օտար բժշկեաց զնա միայն բանիւն Վրխատոսի:

Այլ իբրև ժողովեցան ամենայն քաղաքն արք և կանայք ըստ հրամանի թագաւորին, և էին անդ Ախղա և Վաբբու և Խափէս և Վարքազաբա և Վուբուբնա և Խոտրով և Շամշագրամ հանդերձ աղավթ ընկերօք իւրեանց, որք իբրև զնսսա էին գլխաւորք և նախարարք թագաւորին, և ամենայն զօրք նորա, և բազում մարդիկ արուեստաւորք. Հրեայք և հեթանոսք որք էին ի քաղաքիս յայտնիկ և օտարք որ յայլոց աշխարհաց, Մճրնայիք և Խառանայիք հանդերձ բնակչօք ամենայն աշխարհին Սիջագետաց, եկեալ ժողովեալ միախառն կային ամենեքեան բազում ամբօխ, զի յու իցենն վարդապետութեանն Ազգէի առաքելոյ:

Վանդի լուեալ էր նոցա եթէ աշակերտ է նա Յիսուսի որ խաչեցաւն Այրուսաղէմ, և անուամբ նորա առնէ զամենայն նշանս և մեծամեծ բժշկութիւնս, Լու սկսեալ Լ'դգէի ասել ցնոսա այսպէս (16). « | Ուարուք ամենեքեան և ի միտ առէք զոր ինչ ասեմ աւասջի ձեր. զի ոչ եթէ բժիշկ եմ ես իբրեւ զայլ որ ի մարդկանէ որք բժշկեն զեղովք և արուեստիք (17) մարդկան, այլ աշակերտ եմ Յիսուսի Վրխատոսի ճշմարիտ բժշկին անձանց տառապելոց, և վրկիչ ամենայն մարդկան, որդի Լ'ստուծոյ որ էջ յերկնից և զգեցաւ զմարմին մարդկութեանս մերոյ, և ետ զանձն ի խաչելութիւն փոխանակ ամենայն որդւոյ մարդկան, և ի կոխելի իւրում ի խաչափայտին՝ խաւարեցոյց զարեգակն շերկիկնս, և իբրեւ եմուտ ի գերեզմանն՝ յարուցեալ յերրորդ աւուր ել ի գերեզմանն հանդերձ բազմօք. և որ պահէին բգգերեզմանն ոչ աւտին թէ զխորդ ել ի գերեզմանէն, այլ զուարթունք երկնից և բազմութիւնք հրեշտակաց լինէին քարոզք և աւետարանիչք յարութեան նորա. զի եթէ չէր կամեցեալ ոչ մեռանէր. քանզի Տէր է նա կենաց և մահու. և ինքն կամօք զգեցաւ զմարմին մարդկութեանս մերոյ, զի

նա ինքն է ստեղծիչ մարմնոց . և ինքն կամօք
 իւրովք խոնարհեցաւ ծնանել ի կուսէն և
 ինքն կամօք իւրովք խոնարհեցաւ ի շարչա-
 րանս խաչին , և խոնարհեցոյց զմեծութիւն
 աստուածութեան իւրոյ . այն որ էր բարձրեալ
 և հաւատար շօր ի սկզբանէ և յաւիտեանս .
 զորմէ խօսեցան խորհրդով մարգարէքն որ
 յառաջ քան զմեզ էին , և պատմեցին և
 ցուցին զկերպարանս ծննդեան նորա և զար-
 չարանաց և զվերանալոյ նորա յերկինս առ
 շայր իւր . և վասն նստելոյ նորա ընդ աջ-
 մէ մեծութեանն (18) ի բարձունս . և ահա
 երկրպագի յերկնաւորաց և յերկրաւորաց
 սրպէս էր ի սկզբանէ և յաւիտեանս . ինչ
 պէտ և տեսանէին զնա իբրեւ զմարդ շայլ
 իմաստութիւն և զօրութիւն փառաւորի
 Արդ ի մարդոց (19) , և Մտուած փառաւորի ի
 նմա . և Մտուած փառաւորէ զսոյսն ծն-
 իւր զօրութեամբ և սքանչելեօք և պատուով
 որ ընդ աջմէ : Մայց մարմինք նորա ծիրանիք
 սուրբ են աստուածութեանն իւրոյ , զի
 նովաւ կարտացուք նայել և տեսանել զանե-
 բեւոյթ տէրութիւն նորա : Օսոյն իսկ զայս
 Քրիստոս քարոզեմք և աւետարանեմք , և
 ընդ նմին զշայրն իւր փառաւորեմք , և
 սուրբ շողին աստուածութեանն իւրոյ

48376
 1153

ԳՆԱԿԱՆ
 ԳՆԱԿԱՆ
 ԳՆԱԿԱՆ

ԳՆԱԿԱՆ
 ԳՆԱԿԱՆ
 ԳՆԱԿԱՆ

բարձրացուցանեմք, և երկիրպագանեմք, քանզի զոյս սրտու իրան ընկալաք ի նմանեն՝ մկրտել և սրբել զոյնսոսիկ ոյք հաւատան յանուն Հօր և Արդւոյ և Հօգւոյն սրբոյ, Ա՛ա՛ մարդարէքն որ յառաջ քան զմեզն էին այսպէս ասէին, թէ Տէր և Ա՛ստուած առ առքեաց զմեզ և Արդի նորա, Ա՛ւ եթէ առ սեմք ինչ առ երի որ ոչ գրեալն է ի մարդարէս, մի ընկալցին զեա Հրեայք որ կան ի միջի ձերում և լսեն զբանս իմ. և եթէ յիշեմ ես զանունն Արիստոսի ի վերայ ամենայն ախտացելոց և հիւանդացելոց, և ոչ նոյն ժամայն բժշկին անուամբ փառաւորելոցն, մի հաւատասցեն ինձ ոյք երկիրպագանեն ձեռադործաց իւրեանց, Ա՛ւ եթէ զբրեալ են ի գիրս մարդարէիցն զոր ինչ ասեմ ես, և կարող եմ ցուցանել զզորութիւն բժշկութեանցն ի հիւանդս, մի ոք հայեացի ի մեզ երկմիտ հաւատով. զի քարոզեմք մեք թէ Ա՛ստուած խաչեցաւ ⁽²⁰⁾ փոխանակ ամենայն սրգւոյ մարդկան. և եթէ են որ ոչ կամին հաւանել բանից մերոյ այսոցիկ, մերձեցյին առ մեզ և յայանեսցեն մեզ ըզմիտս իւրեանց, զի ըստ հիւանդացեալ խորհրդոցն իւրեանց գիցուք գեղ բժշկութեան վիրաց նոցա, թէպէտ և չէիք մերձ

ի ժամանակի շարժարանաց Քրիստոսի, այլ արեգակն զի խառարեցաւ՝ տեսէք դուք = Այսու հետեւ ուսարուք և ի միտ առէք վասն մեծի դղրդմանն որ եղև ի ժամախաչելու թեանննորա (21) որոց թոռուցեալ աւետարանն ընդ ամենայն տիեզերս նշանօք և արուեստիւք զոր առնեն աշակերտք նորա ընկերակիցք մեր յամենայն երկրի որք են Արքայեցիք, և զլզու Արքայեցի միայն գիտէին՝ յարում ճնեալ իսկ էին, ահա ասիկ յամենայն լեզուս խօսին զի լուիցեն հեռաւորք և հաւատասցեն իրբեւ զմերձաւորս, թէ նա է որ ետ նոցա լեզու և իմաստութիւն ընդ և խօսել յայլ լեզուս, որպէս յառաջին ժամանակս խառնակեցան (22) զլեզուս ժպիր՝ մարդկանն որ ի կողմանս յայտօսիկ առաջի մեր է, Աւնոյն իսկ է որ ուսուցանէ ի ձեռն մեր այսօր գհաւատս ճշմարտութեան և ստուգութեան տկարովք և սառապելովք, որ ի Վալիլէա Վաղեսափնացոց, Վակայն և զիս տեսանէք որ ի Վանիւրայէ (23) եւմ, ուստի և Յորդանան գետ երանէ, և ընտրեցայ ես ընդ ընկերակից, իմ լինել ինձ քարոզիչ աւետարանին, զի նա վաւ աւասիկ որստան ամենայն տիեզերք փառաւորեալ անուամբն Քրիստոսի երկըն

որագէլոյ : Մի որ այսուհետեւ ի ձէնջ
 խոտաղուցանէ զսիրտ իւր ի սառութենէ , և
 մի գերեցեցէ զինքն զինի խորհրդոց կորսաւ
 կան մուրաւթեամբն , ոյք լի են յուսահա-
 տութեամբ դառն մահուամբ . և մի ըմբռ-
 նիք ի շար սովորութիւն հեթանոսութեան
 հարցն ձերոց հեռանալ ձեզ ի ճշմարիտ և
 ի ստոյգ կենացն որ ի Քրիստոս , Քանզի որք
 հաւատան ի նա , նորա լինին հաւատարիմք
 առաջի նորա , որոյ իջեալ առ մեզ գլխու-
 թեամբ իւրով , խափանեալ յերկրէ զզոհս
 հեթանոսականս և զնուէրս կռապաշտու-
 թեան , զի մի եւս երկիրպագանիցնն արա-
 բաժոց , բայց միայն նմս և Հօր իւրում
 հանդերձ սուրբ Հոգւով նորա երկիրպագա-
 նեմք , Այլ ես որպէս հրամայեաց ինձ Տէրն
 իմ քարոզիմ և աւետարանեմ , և զարժա-
 թին նորա արկանեմ ի վերայ սեղանոյ աւա-
 օիկ առաջի ձեր , և զսերմն բանի նորա սեր-
 մանեմ յսկանջս ամենայն ուրուք , և ոյք
 կամին ընդունել նոցա հատուցումն բարի
 խոստովանութեան իւրեանց , և ոյք ոչ հա-
 ւատան ի մեզ՝ զխաչի ստից թօթափեմք ի
 վերայ նոցա որպէս և հրամայեալ է մեզ :

«Վրդ ապաշխարեցէք այսուհետեւ սիրե-
 լիք , ի շար ճանսագորհաց և յազոտեղի գործոց

և դարձարուք առ Մատուած բարիոք և ազ-
 նիւ կամօք, զի դարձցի առ ձեզ գթութեամբ
 և ողորմութեամբ իւրով: Այլ մի լինիք որպէս
 զդարսն առաջինս որ անցին, վասն զի խրս-
 տացուցեալ նոցա զմիտս իւրեանց յերկիւ-
 զըն Մատուծոյ՝ ընկալան նոքա զպատուհաս
 յայտնապէս, զի նոքա խրատեսցին և ոյք ըզ-
 կնի նոցա գալոց են՝ զարհուրեսցին և երկիւ-
 ցեն: Բայց զի եկն Տէր մեր յաշխարհս, զի
 սուսուցանիցէ և յայտնեսցէ մեզ եթէ կա-
 տարած աշխարհի լինի և յարութիւն որդւոց
 մարդկան. և յայնժամ նկարին վարք իւ-
 րեանց ի սպասկերս իւրեանց, և լինին մար-
 մինք նոցա իբրեւ զմագաղաթ լի գրով ճշ-
 մարտութեամբ: Այլ ոչ ոք է որ ոչ գիտէ
 գպրութիւն. քանզի ամենայն ոք ընթեռնու-
 զգիր գպրութեան իւրոյ, և զհամար գոր-
 ծոց իւրոց ի մատունս ձեռաց իւրոց ունի,
 որպէս զի տգէտք և տխմարք գիտուն և ան-
 զեակք լինին գպրութեան նորոյ և լեզուի
 նորոյ. և չիք ոք որ ասիցէ ջրնկեր իւր՝ ըն-
 թերցիր ինձ զայս, վասն զի մի վարդա-
 պետութիւն և մի սուսումն թագաւորէ ի
 վերայ որդւոց մարդկան (24):

«Արդ՝ նկարեսցի այսուհետեւ հոգս
 այս առաջի աչաց ձերոց, և մի անցանիցէ

ի մտաց ձերոց . քանզի թէպէտ և ի խորհրդոց ձերոց անցանէ , սակայն ի ճշմարտութենէ ոչ անցանէ : Ինդրեցէք զողորմութիւն Մատուծոյ թողուլ ձեզ զգարչելի ուրացութիւն հեթանոսութեան ձերոց , զի թողեալ ձեր զՄատուած որ արար զձեզ ի վերայ երեսաց երկրի , և իջուցանէ զանձրեւ իւր և ծագէ զարեգակն իւր ի վերայ ձեր , և երկիրպագանէք սոխանակ նորա արարածոց նորա : Մ.Յ. կուռք և դրօշեալ պատկերք հեթանոսաց և ամենայն որ ինչ միանգամ արարածք են՝ յորս յուսացեալք էք և երկիրպագանէք դուք նոցա , եթէ էր ի նոսա զգայութիւն իմաստութեան և իմանային , փոխանակ զի դուք երկիրպագանէք և սրտուէք զնոսա , նոցա արժան էր շնորհակալ լինել ձեզ զի դրօշեցէք և կազմեցէք զնոսա , և հաստատեցէք զնոսա բեւեալք զի մի շարժեցին : Մ.Յ. թէ իմանային արդեւք արարածք զպատիւդ ձեր զոր առնէ դոցա , պաղատէին և ասէին ձեզ՝ թէ մի պագանէք երկիր ընկերակցաց ձեր , որ իբրեւ զձեզ ստեղծեալ եմք և ի ձէնջ արարեալ , Վանզի ոչ եթէ երկիրպագեցին արարածք զան այնր հաստատեցան , այլ զի երկիրպագանիցեն Վարչին իւրեանց , և փառա-

ւորեցեն զայն որ հաստատեացն զնոսա և որ
 պէս զի ընդ յարկաւ առնեն շնորհք նորա ⁽²⁵⁾
 զժպիրհս, սոյնպէս պատրաստեալ է և ճըշ-
 ժարտութիւն նորա վրէժխնդիր լինել անդ
 ամենայն ուրացողաց : Այլ զի տեսանեմ
 ես զքաղաքս զայս, զի կարի յոյժ լի է հե-
 թանոսութեամբ ընդդէմ Աստուծոյ : Ա՞ն է
 այն Աբբայ կուռք արարեալ որում երկիր-
 պագանէք, ո՞ր Վէլիզ զոր պատուէքդ : Ահա
 ւասիկ են ոմանք ի ձե՛նջ որ երկիրպագանեն
 Վաթնիքաղայ որպէս զՊառանացիս գրա-
 ցիս ձեր, և թարթայ ⁽²⁶⁾ իբրու զԱբութա-
 ցիս, և արեգական և լուսնի և արծւոյ իբ-
 րեւ զԱբաբայցիս : Ա՞ր պարիք ի նշոյլս լու-
 սոյ ի ծագել արուսեկին, զի անիծեալ է ա-
 ռաջի Աստուծոյ ամենայն որ երկիրպագա-
 նէ արարածոց . այլ թէպէտ և իցեն արա-
 բածք որ մեծագոյն թուին ձեզ քան զըն-
 կերս իւրեանց, սակայն ընկերակիցք են
 միմեանց որպէս ասացի ձեզ, քանզի ցաւ
 դառնութեան է այս՝ որոյ չիք բժշկու-
 թիւն, զի երկիրպագանիցեն արարեալք ա-
 րարելոյ, և փառաւորեցեն արարածք զըն-
 կերակիցս իւրեանց : Օ՛ր որպէս շեն կա-
 բող օգնել անձանց իւրեանց, այլ ի զօրու-
 թիւնն խնամոց դարմանին որ հաստատեոյ

զնոսա, սոյնպէս ոչ են կարող առնուլ երկր-
 պագութիւն և պատիւ ընդ նմա որ արարն
 զնոսա. զի հայհոյութիւն է յերկոսին յա-
 րարածս, յորժամ երկրպագի նա և Վրարի-
 շին, յորժամ հաղորդակից լինին նմա արա-
 րածք՝ որ օտար են ի բնութենէ էութեան
 նորա: Վսլ ամենայն մարգարէութիւն մար-
 գարէիցն և քարոզութիւն մեր որ զինի
 մարգարէիցն ասացաք, այս է՝ զի մի երկրպա-
 գեսցին արարածք ընդ Վրարչին արարածոց,
 և մի եւս լծեսցին որդիք մարդկան ի լուծ
 հեթանոսութեան ապականութեան: Աչ ե-
 թէ վասն զի երեւին արարածք՝ ասեմ թէ
 մի երկրպագեսցին, այլ ամենայն որ ինչ
 միանգամ հաստատեալ է՝ արարած է, եթէ
 երեւի և եթէ ոչ երեւի. վասն զի դառն
 ամբարշտութիւն է այս, անուանել նմա
 զանունն փառաւորեալ աստուածութեանն.
 զի ոչ եթէ իբրեւ զձեզ զարարածս քարո-
 ղեմք և երկրպագանեմք, այլ զՏէրն արա-
 րածոց: Վայց շարժումն որ դողացուցանէ
 զնոսա, նա վկայէ թէ ամենայն ինչ արարած
 է, և ի զօրութիւն Վրարչին կախեալ կայ,
 այն որ էրն յառաջ քան զյաւիտեանս, ո-
 րոյ ոչ քննի բնութիւն նորա, վասն զի ոչ
 երեւի բնութիւն նորա. և ընդ շօր իւ-

բում փառաւորի ի բարձրութիւն բարձանց,
քանզի Տէր է նա և Աստուած յաւիտենից :

«Այս է վարդապետութիւն մեր յամենայն կողմանս աշխարհաց, և այսպէս հրամայեցաւ քարոզել այնոցիկ ոյք լսեն մեզ, ոչ եթէ բռնադատութեամբ, բայց վարդապետութեամբ ճշմարտութեան և զօրութեամբ Աստուծոյ, և նշանք որ լինին յանուն նորա, նորա վկայեն վասն հաւատոց մերոց՝ թէ ճշմարիտ են և հաւատարիմ : Հաւանեցարուք այսուհետեւ բանից մերոց, և ընկալարուք զոր ինչ ասացի և ասեմ առաջի ձեր : Այլ զի մի խնդրեցցի վերէ՛ք յինէն, յաճախեմ դնեմ առաջի ձեր զգուշութիւն. ընկալարուք զքանս իմ արժանապէս և մի անփոյթ առնէք : Վարձարուք, հեռացեալք ի Տեառնէ, և լերուք մերձաւորք Վրիստոսի, և փոխանակ զոհից և նուիրաց մոլորութեան ձերոյ՝ մատուցէք նմա այսուհետեւ պատարագս դոհութեան :

«Օ ինչ իցէ արդեւք բազմնդ մեծ զոր շինեալ է ձեր ի մէջ քաղաքիս, և որք երթան և գան առ նա և նուիրեն ի վերայ նորա դիւաց, և զոհեն ի դմա այսոց պղծոց : Այլ եթէ գրոց հմուտ չէք, ինքն խակ ձեւ բնութեան տեսլեամբ իւրով չուսուցանէ :

զձեզ, զի աչս ունին կուռքդ՝ և ոչ տեսա
 նեն, և դուք որ զաչսդ ունիք, փոխանակ
 զի ոչ առնուք ի միտ՝ նմանիցէք նոցա զի
 ոչ տեսանեն և ոչ լսեն, և տարապարտուց
 ճեպեալ ձայնք ձեր յունայնութեան յա
 կանջս խղացեալս, ոչ եթէ նոքա մեղադրին
 այնու զի ոչ լսեն, քանզի բնութեամբ են
 խուլ և համր, բայց դուք էք մեղադրելի,
 յորում ճշմարտութիւնն ծածկեալ է, և ոչ
 կամիք ի միտ առնուլ և ոչ տեսանէք, քան
 զի ոչ թողուն զձեզ մեղքն մտրութեան
 սր ծածկեալ ունին զմիտս ձեր՝ տեսանել
 ձեզ զըսն երկնային, որ է հանձար իմաս
 թեան:

«Փախերուք այսուհետեւ ի ստեղծելոց
 և յարարելոց սրպէս ասացի ձեզ, զի ան
 ուամբ միայն կոչին աստուածք, և ոչ եթէ
 բնութեամբ են աստուածք, և մերձեցա
 բուք առ այն որ բնութեամբ է Վստուած,
 և ոչ եթէ արարած է նա սրպէս զկուռսդ
 ձեր, և ոչ եթէ ստեղծեալ և հաստատեալ
 իբրեւ զարատկերսդ ձեր, որալ դուքդ պար
 ծիք, Ծ ի թէպէտ և զգեցաւ զմարմինս մեր,
 այլ Վստուած էք ընդ Հօր իւրում, բայց
 ազարածք որ շարժեցան ի խաչելութեան
 նորա, և խռովեցան ի չարչարանս մահու նա»

րա, նոքին խակ վկայեն զի նա է Մարիչ ա-
 րարածոյ. զի ոչ եթէ փոխանակ մարդոց
 շարժեցաւ երկիր, այլ վասն այնորիկ որ հաս-
 տատեալ է զերկիր ի վերայ ջուրց: Այլ ոչ
 եթէ վասն մարդոց խաւարեցաւ արեգակն
 յերկինս, այլ փոխանակ այնր որ արար զու-
 աւորս մեծամեծս: Այլ ոչ եթէ մարդով
 յարուցեալ արդարոց և սրբոց, այլ այ-
 նու որոյ տուեալ ի սկզբանէ զիշխանու-
 թիւն կենաց և մահու: Այլ ոչ եթէ վասն
 մարդոց պատառեցաւ վարագոյր տաճարին
 ծագէ ի ծագ, այլ վասն այնորիկ որ ասացն
 ցնտա, եթէ Մհա թողեալ լիցի տունդ.
 ձեր աւերակ: Մհաւասիկ թէ շէր ծանու-
 ցեալ խաչահանուացն՝ եթէ որդի է նա
 Մատուծոյ, ոչ զաւեր քաղաքին իւրեանց
 քարոզէին և ոչ ի վերայ անձանց վայ կաք-
 դային: Այլ և ոչ եթէ կամեցեալ էր նոցա
 լուել յայնմ խստովանութենէ, թողին
 զնոսա ահագին գորգմունքն որ եղեն (27) յայ-
 նրմ ժամու: Մհա այսու հետեւ յորդուոց խաչա-
 հանուացն դարձան և եղեն քրիստոնէք (28),
 քարոզիչք և աւետարանիչք ընդ ընկերակի-
 ցրս իմ, և առաքեալս յամենայն երկիրն Պա-
 ղեստինացւոց, և ի մէջ Սամարացւոց և
 յամենայն աշխարհին Փղշտացւոց, և անար-

գեալ են հուռք հեթանոսաց, և սրասուխ
 խաչն Վրխատոսի, և խոստովանին ամենայն
 ազգք և ամենայն արարածք Մատուածն՝
 որ եղև մարդ, Օ ի եթէ մինչ յերկրի էր
 Տէր Յիսուս, հաւատացեալ էր ձեր ի նա՝
 թէ Որդի Մատուծոյ է, և յառաջ քան ըղ-
 լտել ձեզ զաւետիս քարոզութեան նորա
 գոհացեալ ձեր զնմանէ՝ թէ Մատուած է.
 և արդ՝ զի վերացեալ է առ Հայր իւր, և
 տեսէք զնշանան և զգրանչելիան որ լինին
 յանուն նորա, և զբան աւետեաց նորա լու-
 սէք ականջօք ձերովք, մի օք ի ձէնջ երկմը-
 տեացէ ի խորհուրդս իւր, որպէս զի հաս-
 տատուն կայցէ առ ձեզ խոստումն օրհ-
 նութեան նորա, որ առաքեաց առ ձեզ՝
 թէ երանի ձեզ զի հաւատացէք յիս մինչ-
 չեւ տեսեալ իցէ ձեր զիս, Աւ զի այսպէս
 հաւատացէք յիս, քաղաքն յորում բնա-
 կեալ էք դուք՝ օրհնեալ լիցի, և թշնամի մի
 տիրեացէ դմա յաւիտեան: Մի այսուհետեւ
 խոտորիք ի հաւատոց նորա, զի ահաւասիկ
 լուարուք և տեսէք զամենայն զոր քարոզե-
 ցաք ձեզ, թէ որդի երկրպագեալ և Մա-
 տուած մատուորեալ, և թագաւոր յաղ-
 թող և զօրութիւն անյաղթ, և հաւատով նա-
 քա կարող էք ստանալ զաչս ճշմարիտ մտաց:

և ապա ի միտ առնուլ թէ որ միանգամ երկիրագագանէն արարածոց, բարկու թիւն սրու մտու թեան հասանէ նմա :

«Մոգ զամենայն որ ինչ մի անգամ աւսեմք առաջի ձեր, որպէս ընկալաք մեք ի պարգեւայն Տեառն, ասեմք և ուսուցանեմք, և ցուցանեմք ստանալ ձեզ զկեանս ձեր : Այլ մի կորուսանէք զհոգիս ձեր ի մտրու թիւն հեթանոսական. քանզի ծագեալ է լոյսն երկնային յամենայն աշխարհի, և նա ինքն է որ ընտրեաց զհայրապետն առաջինս և զարգարն և զմարգարէսն, որոց խօսեցեալ ընդ նոսա յայնու թեամբ Հոգւոյն սրբոյ : Քանզի նա ինքն իսկ է Աստուած Հրէից խաչահանուացն, և հեթանոսք մտրուեալք նմա ⁽²⁹⁾ երկիրագագանէն թէպէտ և ոչ գիտեն. քանզի չիք այլ Աստուած ոչ յերկինս և ոչ յերկրի, և ահա յերկրի ⁽³⁰⁾ :

«Մհա այսուհետեւ լուան ականջ բ ձեր զոր ինչ ոչ էր լուեալ ձեր. մի այսուհետեւ լինիք զսոցողք զոր լուայքդ և անսէքդ : Իբաց արարէք ի ձէնջ զմիտս ապստամբողս հարցն ձերոց, և ազատեցէք զանձինս ձեր ի աղմոյ մեղաց որ թագաւորեալ է ի վերայ ձեր նուիրօք և զսխիւք դրօշերոց, և փոյթ

լիցի ձեզ յաղագս կենաց ձերոց կորուսե-
լոց, և վասն ընդվայր խոնարհութեան գրչ-
խոց ձերոց, և ստացարուք զմիտս նորս (Ճ),
և երկիրագագէք Մարտին արարածոց, յու-
րում նկարեալ են նկարագիր ճշմարտու-
թեան և ստուգութեան Հօր և Արդւոյ և
սուրբ Հոգւոյն, իբրեւ հաւատայք և մը-
կրտիք յանուն փառաւորեալ Արքորդու-
թեան :

« Այս խկ է վարդապետութիւն մեր և
քարոզութիւն. ոչ եթէ բազում ինչ իրօք
հաւատարիմ լինի ճշմարտութիւնն Քրիստո-
սի, որք կամին հաւանել Քրիստոսի, Վի-
տէք դուք զի բազում անգամ կարգեցի ըզ-
բանս իմ առաջի ձեր, ուսանել ձեզ և ի
միտ առնուլ զոր ինչ լուայք և տեսէք
դուք, և մեք ուրախ լիցուք սովիմք որպէս
հոգագործ յօրհնեալ սերմանիս իւր, և Աւ-
տուած փառաւորեացի յապաշխարութեա
նըդ ձերում որ առ նա : Այլ յորժամ հաւա-
նեսցիք ճշմարտութեանն, կելով կեցցիք. և
մեք որ յորդորեմք զձեզ յայս, ոչ զրկիմք
յօրհնեալ վարձուց քարոզութեանս մերոյ.
վասն զի վատահ եմք լինել ձեզ երկիր օրհ-
նեալ քստ կամաց տեսան մերոյ (Յիսուսի
Քրիստոսի : Վասն այսորիկ փոխանակ զփոշի

ստից մերոց՝ որ ասացաւ. մեզ թօթափել
 վերայ քաղաքիս որ ոչ ընդունին զքանս
 մեր, ահա թօթափեմք այսօր ի դրունս աւ
 կանջաց ձերոց զպատգամս շրթանց մերոց,
 զի ի նստին նկարեալ է գալուստն Վրիստոսի
 որ եղևւս և որ պատրաստեալ է լինել, և
 յարութիւն և կեանք ամենայն որդւոց
 մարդկան: Այլ սրօշումն որ լինի ընդ հա
 ւատացեալս և ընդ ուրացոյս, և սրատու
 հաս շարի որ պահեալ է որք ոչն գիտեն
 զՄատուած, և զօրհնեալ խոստումն ուրա
 խութեան զոր պատրաստեալ են ընդու
 նել որք հաւատացին ի Վրիստոս, և երկիր
 պագին նմա և Հօր իւրոց բարձրելոյ, և
 խոստովանեցին ի նա և ի Հօգին Մատուա
 ծութեան իւրոց, Արդ՝ այսուհետեւ առ
 ժամ մի կատարել արժան է մեզ զքանս
 մեր, և որոց ընկալեալ զքանն Վրիստոսի՝
 մնացեն առ մեզ, և այք կամին հաղորդել
 ընդ մեզ յաղօթս, և ապա երթիցեն ի
 տունս իւրեանց Խ:

Այլ իբրեւ զայս ասաց՝ ետես զի քա
 զում մարդիկ քաղաքին մնացին անգէն,
 և սակաւք էին որ ոչ մնացին յայնմ ժա
 մու, և ուրախ եղև մեծապէս Մաքեալ,
 Բայց և նոցին իսկ սակաւուց զինի սակաւ

աւուրց ընկալեալ զբանս նորա, և հաւա-
տացեալ յաւեախ քարոզութեանն Վրիս-
տասի: Եւ իբրեւ ասաց զայս ամենայն Աշ-
դէ առաքեալ առաջի ամենայն քաղաքին
Սուհայի, և ետես Աբգար թագաւոր թէ
ամենայն քաղաքն ուրախ եղև ընդ վար-
դապետութիւն նորա, արք և կանայք ի մի-
ասին, և ասենցնա. «Ղշմարիտ և հաւա-
տարիմ է Վրիստոս, որ առաքեաց զքեզ
առ մեզ»: Եւ նա իսկ թագաւորն եւս ա-
ռաւել ուրախ եղեալ յայսմ՝ յոյժ փառա-
ւորէր զԱստուած. զի որպէս իւր լուեալ
էր յաղագս Վրիստոսի, նոյնպէս տեսանէր
զգորութիւնս և զզարմանալիս զոր առնէր
Աշդէ առաքեալ անուամբն Վրիստոսի:
Եւ ասէցնա Աբգար թագաւոր, թէ «Ար-
պէս յղեցի ես առ Վրիստոս ի թղթին իւ-
րում» (52), և որպէս նա յղեաց առ իս, և ըն-
կալաց ես ի քէն սցօր, նոյնպէս հաւատամ
զամենայն աւուրս կենաց իմոց. և ինմին կամ
մնամ պարծելով: Վանդի ի միտ առեալ իմ
եթէ չիք այլ գորութիւն որ առնի ան-
ուամբ իւրով նշանք և սքանչելիք, բայց մի-
այն գորութեամբն Վրիստոսի զոր առնես
գաւ մեզ ստուգութեամբ (53): Եւ արդ
սցսուհետեւ նմա երկիրպագանեմ ես, և

Մայանու (54) որդի իմ և Աբգոսանէ և Շք
 զամաթէ թագուհի : Այլ արդ ուր և կամիս
 դու շինեա եկեղեցի ժողովրդանոց՝ որոց և
 հաւատացին և որք հաւատան բանից քոց .
 և որպէս հրահայեաց Տէրն քո՝ եղիցես պաշ-
 տել համարձակութեամբ յամենայն ժամու .
 և որք կամին լինել ուսուցիչք և քարոզք
 աւետարանիս այսորիկ , պարզեւս մեծամե-
 ծըս շնորհեմ նոցա : Այլ այլ ինչ գործ մի
 լիցի՝ բայց միայն պաշտօն . և ամենայն որ
 ինչ միանգամ պիտոց է քեզ ի պէտս եկե-
 ղեցւոյ , ես ասց քեզ անհամար . և որպէս
 բան քո աիրէ և իշխէ ի քաղաքիս յայսմիկ ,
 նոյնպէս առանց նուիրակի մտցես առ իս
 համարձակութեամբ յապարանս պատուոյ
 թագաւորութեանս իմոյ ։ :

Այլ էջ Աբգար թագաւոր յարքունա-
 կան յապարանս իւր . և ուրախ եղել նա
 մեծապէս հանդերձ ամենայն իշխանօք իւ-
 րովք Աբգուաւ և Գարմուաւ և Շամշա-
 գրամաւ և Աբուբաւ և Միհրդաթաւ , և ա-
 մենայն (55) որ միանգամ տեսին աչօք իւրեանց ,
 և լուան ահանջօք իւրեանց , և ուրախու-
 թեամբ սրաից իւրեանց փառաւոր առնէին
 զ՛ստուած որ դարձոց զմիտս նոցա առ ին-
 քըն : Այլ իբրեւ ուրացան նորա զլրօնս հե-

Թանոսու թեանն յորում կային , և խոստու
 վան լինէին յաւետարանն Վրիտտոսի . Աւ
 շինեաց անդ Ադդէ զեկեզեցին , և մատու
 ցանէին ի նմա զուխոս և զպատարագս իւ
 րեանց ինքեանք և բազմութիւն քաղաքին .
 և անդ փառաւորէին զԱստուած զամենայն
 աւուրս կենաց իւրեանց :

Աւ մատուցեալ առ Ադդէ Աւիդա և
 Վարքազաբա որ էին գլխաւորք և հրամանաւ
 տարք քաղաքին , որք զգեցեալ էին զխոյրս
 արքունահան , և հարցանէին զնա վասն գա
 լտեանն Վրիտտոսի զի պատմեցէ նոցա ,
 թէ զխորդ իբրեւ զԱստուած էր նա , և ե
 րեւէր նոցա իբրեւ զմարդ . կամ սրպէս կա
 բող էիք հայել յերեսս նորա . Աւ նա զա
 մենայն ինչ ցուցանէր և ուսուցանէր և
 հանգուցանէր զշարժուն միտս նոցա վասն
 ամենայնի զոր տեսին աչք նոցա և լուան
 ահանջք նոցա ի նմանէ . Աւ զամենայն ա
 սացեալս մարգարէիցն վասն Վրիտտոսի կար
 գէր առաջի նոցա , և ընդունէին զքանս նո
 րա քաղցրութեամբ և հաւատովք . և ոչ
 որ էր որ ընդդէմ դառնայր նորա , քան
 զի ոչ թողուն առաքինութիւնքն զոր
 առնէր նա՝ թէ որ դիմահար լիցի նմա :

Այ Աւիդա և Աբեթնարու գլխաւոր

քրմապետք քաղաքիս այսորիկ հանդերձ Պե-
րոզիւ և Վանկովաւ ընկերօք իւրեանց, իբ-
րեւ տեսին նոքա զնշանսն զոր առնէր Աղ-
դէ առաքեալ, ընթացան նոքա և խլէին
զբազինսն յորոյ վերայ զոհէին Վարուայ և
Լէւոյ Աստուածոյ իւրեանց, զբազինն մեծ
որ ի մէջ քաղաքին. և աղաղակէին ասելով,
Թէ «Ղշմարիտ աշակերտ է սա Վարդապե-
տին մեծի լուսաւորելոյ և փառաւորելոյ,
զորմէ լէտք զոր միանգամ առնէր յաշխար-
հին Պաղեստինացւոյ: Այլ ամենեքեան որ
հաւատացին ի Վրիստոս՝ ընդունէր զնոսա
Աղդէ առաքեալ, և մկրտէր զնոսա յանուն
Հօր և Արդւոյ և Հօգւոյն սրբոյ: Այլ որք
միանգամ քալանց և փայտից երկիրպագա-
նէին, գային նասէին առ ոտս նորա ուսա-
նել և խրատել ի նմանէ, զի հեռացին ի
գարշելեացն և ի հեթանոսական մոլորու-
թենէ: Այլ Հրեայքն գիտակք օրինացն և
մարգարէիցն՝ կտաւափաճառք, և նոքա հա-
ւանեալք աշակերտեցան խոստովանելով
ի Վրիստոս, եթէ նա է որդի Աստուծոյ կեն-
դանւոյ:

Այլ ոչ ինքն Աբգար Թագաւոր և ոչ
Աղդէ առաքեալ նեղէին զորք, Թէ բռնա-
դատելով որ հաւատացէ ի Վրիստոս (56).

քանզի առանց բռնութեան ուրուք՝ բռնութիւն նշանացն և սքանչելեացն նեղէր զնոսա հաւատալ ի նա, և սիրով ընդունէին զվարդապետութիւն նորա ամենայն աշխարհն Սիջադեոաց և ամենայն կողմանքն որ շուրջ զնալաւ: Ի այց Ադդէ կերպասագործ և խոյրաքանդակ թագաւորին և Փղտո և Բարշղամա և Բարսեմիա հանդերձ այլովք ընկերօք իւրեանց յարեցան նորա Ադդէ առաքեալ, և ընկալաւ զնոսա հաղորդելով ընդ իւր ի սպաշտօն և ի վարդապետութիւն: Ալ իբրեւ ընթեռնութիւն նոքա զհին կտակարանն և նոր (57), և զմարդարեւանսն գիրս և զգործս առաքելացն ամենայն ժողովրդեան եկեղեցւոյն, և սրատուիրէր նոցա Ադդէ զգուշանալ նոցա յամենայնէ զի լիցին սուրբ մարմնով իւրեանց և սարկեչոք հոգւով, որպէս վայելէ մարդոց սրբոց, որք կան առաջի սեղանոյ Աստուծոյ: «Ազդերուք, ասէ, հեռանալ ի սուտ երգմանէ և յամբարիշտ սպանմանէ և յանօրէն վկայութենէ, և որ ի ճնութիւնս խառնակեալ են, և ի կախարդաց յորոց վերայ չլինի ողորմութիւն, և ի խարոց և ի կիւսից և ի վահկաց և ի բախտից և ի ծննդոց, որովք սպարծին Քաղդէացիք մուրա-

կանք, և յաստեղագիտութենէ և ի մշակա-
 շէից (58) յորս յուսացեալ են յիմարեալքն,
 Եւ ի բաց արարէք ի ձէնջ զակնառութիւն
 մեղաց և զկաշառս և զպատարագս որով
 պարտաւորին արդարք, և կուրացուցանեն
 զաչս առողաց: Եւ ի պաշտամանդ յոր կոչե-
 ցարուք՝ մի եւս լիցի ձեզ վաստակ, այլ
 զի Տէր է հանգիստ պաշտաման ձերոյ զա-
 մենայն աւուրս կենաց ձերոյ: Եւ եղիցիք
 փոյթք ի մկրտել, և մի սիրէք զասհս աշխար-
 հիս այսորիկ, և եղիցիք առնել զատ արդա-
 բութեան և ստուգութեան (59), և մի լինիք
 գայթակղութիւն կուրաց, գուցէ հայիցի
 ի ձեզ ակն (60) այնր որ եբաց զկոյրս՝ որպէս
 տեսաք մեք: Ամենայն ոք որ տեսանէ զձեզ
 այսուհետեւ, ի միտ առցէ՝ թէ կատարիչ
 էք դուք ամենայնի որոց քարոզէքդ և ու-
 սուցանէք 7:

Եւ պաշտէին յեկեղեցւոջն զոր շինեաց
 Ադդէ առաքեալ բանիւ և հրամանաւ Աբ-
 դարու թագաւորին: Եւ էին նոքա մատա-
 կարարք թագաւորին, և նախարարաց իւ-
 րոց ի պէտս եկեղեցւոյ և ի տուրս աղքա-
 տաց: Այլ ժողովուրդ բազում ժողովէին
 օր ըստ օրէ, և գային յաղօթս և ի սրաշտօն,
 և շինէին ի հնոց կաակարանաց և ի նորոց

դրոց . Այբորդուծիւն , ի յարուծիւն և ի կենդանուծիւն մեռելոց հաւատային , և զվախճանեալս իւրեանց յուսով կենդանուծեան թաղէին . և զուօնս եկեղեցւոյ ի ժամանակի իւրում ուրախուծեամբ կատարէին զամենայն աւուրս հանապազորդեալս ի հսկումն եկեղեցւոյ , և սղորմութիւնս ասնէին առատապէս առ հիւանդս և առ աղքատս ըստ վարդապետութեան Մարգէի սր առ նսաս . և շուրջ զքաղաքուն շինէին եկեղեցիս , և զձեռնադրութիւն քահանայութեան ընդունէին ի նմանէ բազումք : Աբազումք յարեւելից ի նմանութիւն վաճառականաց յիշտանութենէ Հուռմոց գային տեսանել զնշանսն զոր ասնէր Մարգէ առաքեալ . և աշակերտեալքն ի նմանէ ընդունէին զձեռնադրութիւն քահանայութեան , և յաշխարհին իւրեանց Ասորեստանի զգաւառականս իւրեանց աշակերտէին . և տունքս աղօթանոցս շինէին ի ծածուկ վտան երկիւղի այնոցիկ սք երկիրպառանէին կրակի և սրատուէին զջուրս :

Եւ այց Ներսէս թագաւոր Ասորեստանեաց յորժամ լուաւ զգործսն զոր ասնէր Մարգէ առաքեալ , յղեաց նա առ Մարգար թագաւոր և ասէ . «Արամ տուր ամել ինձ

զայրդ որ զնշանագ առնէ առ քեզ՝ զի տե-
 սից գդա և լուսյց զբանս դորա , և կամ
 տուր գիտել ինձ զամենայն որ ինչ միան-
 գամ արարեալ է դորա ի քաղաքիդ քում :
 Այա գրեալ Աբգարու Արքայի թագա-
 ւորի Ասորեստանեաց , և խնայուցեալ նմա
 զամենայն պատմութիւն իրացն զոր արար
 Ագգէ առաքեալ իսկզբանէ մինչեւ ցկա-
 տարած , և ոչ եթող ինչ զոր ոչ խնայցյց
 նմա գրով (41) : Աւ իբրեւ լուաւ Արքայի
 թագաւոր զգրեալն առ նա , հիացեալ զար-
 մանայր , և մեծապէս ցանկու թեամբ կամեր
 տեսանել զնա սիրով :

Եւսց Աբգար թագաւոր , քանզի ոչ կա-
 բաց անցանել ընդ Հոռոմոց տուն և երթալ
 ի Պաղեստինէ , քանզի կամեր երթալ սատա-
 կել զՀրեայս յաղադս խաչեցոյ նոցա զՔս ,
 գրեաց նա հրովարտակ և ետ տանել առ Տի-
 բերիոս կայսր , յորում գրեալ էր այսպէս .
 «Աբգար թագաւոր (42) տեառն խնում Տիրե-
 րեայ կայսեր՝ խնդալ : Օ ի գիտեմ ես թէ
 ինչ ի թագաւորութենէդ քումմէ ոչ ծած-
 կի , գրեցի խնայուցանել ահաւոր և մեծ
 իշխանութեան քում , զի Հրեայք որ ընդ
 ձեռամբ քով բնակեալ են ի դաւառս Պա-
 ղեստինացոց , ժողովեցան և խաչեցին ըզ-

Քրիստոս առանց իրիք յանցանաց և մահու՝
 ի վերայ մեծամեծ երախտեացն զոր ա-
 բար առ նոսա նշանս և սքանչելիս . և առ-
 նէր զօրութիւնս մեծամեծ , մինչեւ զմե-
 ռեալս անգամ յարուցանէր : Աւ ի ժամուն
 յորում խաչեցին զնա , արեգակն խաւա-
 բեցաւ և երկիր շարժեցաւ , և գողացեալ
 սասանեցան ամենայն արարածք : Աւ իբրև
 առ ի նոցանէն այս իրօք սպառեալ տիեզե-
 րաց , և ամենայն օրդիք մարդկան ⁽⁴⁵⁾ : Աւ արգ-
 այսուհետեւ թագաւորութիւն քո գիտէ որ
 ինչ արժան է հրամայել ի վերայ ժողովրդ-
 դեանն Հրէից որք զայս գործեցին : Աւ
 գրեալ Տիրերեայ կայսեր ետ սանել Աբ-
 գարու թագաւորի . և այսպէս գրեաց նմա .
 « Օ թուղթ մտերմութեան ընկալայ և ըն-
 թերցեալ առաջի իմ զոր ինչ արարին Հը-
 բեայքն ի խաչելեալն , նա և վասն Պիղատո-
 սի դատաւորի . գրեալ խնայոյց և ինձ Վղա-
 նոս եպարքոս վասն սօրին իրաց իսկ այսոցիկ
 որ գրեալ է քո առ իս : Այլ պատերազմ
 Սպանխացւոց կայ առաջի իմ որ ապտամ-
 բեցին յինէն ի ժամանակի յայսմիկ , վասն
 այսօրիկ ոչ կարացի խնդրել զվրէժ իրացդ
 այդոցիկ : Վայց պատրաստեալ եմ թէ յոր-
 ժամ լիցի ինձ պարապ , հրամայեցից պա-

տիժս օրինօք ի վերայ Հրէիցն անօրինաց
որք անցին զօրինօք : Այլ վասն Պիղատոսի
գատաւորի զոր արարեալ էր ⁽⁴⁴⁾ իմ անդ , ա
ռաքեցի նմա փոխանակ , և զնա լուծի թըշ-
նամանօք . զի անց նա զօրինօք և արար զկա-
ծիւս Հրէից , և խաչեաց զՔրիստոս յանդի-
ման նոցա , վասն որոյ լեւմ թէ ոչ խաչի և
մահու արժան էր , այլ պատուի և երկրոր-
պագու թեան և մեծարանաց ի նոցանէ ար-
ժանի էր . և առաւել եւս զի աչօք իւ-
րեանց տեսանէին զամենայն ինչ զոր առնէր
նա : Բայց դու ըստ մտերմութեան քում
հաստատուն (կացեալ) յուխտիդ քում
և հարց քոց որ ընդ իս՝ բարիօք արարեր որ
գրեցեր առ իս :

Այլ ընկալեալ Աբգարու թագաւորի
զԱրտեղիաս զառաքեալն առ նա ի Տիբե-
րեայ կայսերէ , և կրկնեալ առաքեաց զնա
անդէն ընծայիք և պատուով ըստ արժանի
այնմ որպէս յղեալ զնա : Այլ գնացեալ նու-
րա յԱռհայ քաղաքէ , և երթեալ ի Նու-
թիկոնթա , ուր էրն Աղտղիոս երկրորդ թա-
գաւորին : Այլ անտի գնացեալ շոգան յԱ-
րատիկէ , քանզի անդ էր Տիբերիոս կայսր .
այլ Բայիոս պահէր զկողմանս որ շուրջ ըզ-
կայսերքն էին : Այլ պատմեալ Արիստիդեայ ⁽⁴⁵⁾

առաջի Տիբերեայ կայսեր վասն զօրութեան
 ցըն զոր առնէր Ադդէ առաքեալ առաջի
 Աբգարու թագաւորի : Այլ յորժամ եղև
 նմա խաղաղութիւն ի պատերազմէն ,
 առաքեաց սատակեաց զգլխաւորսն Հրէից
 որ էին ի Պաղեստինէ բազմութիւն յոյժ
 մարդկան : Այլ իբրև լուաւ Աբգար թա-
 գաւոր զայս , ուրախ եղև : յոյժ զի ընկա-
 լան Հրեայքն զպատուհասն արժանապէս :

Այլ յետ ամաց յորժամ շինեաց Ադդէ
 առաքեալ զեկեղեցին Ուռհայի , և կաղ-
 մեաց զնա ամենայն կազմութեամբ որպէս
 վայելէր նմա : Այլ աշակերտեալ նորա անդ
 բազմութիւն մարդկան ի քաղաքին և յայլ
 եւս ի գեօղս , ի հեռաւորս և ի մերձաւորս .
 շինեալ նորա եկեղեցիս , և զարդարեալ
 և կազմեալ , և կարգեալ ի նմա երիցունս և
 տարկաւագունս և գրակարդացս . և ուսոյց
 նոցա զկարգս պաշտաման ի ներքս և ար-
 տաքս :

Այլ յետ այսր ամենայնի կամեցաւ Ադդէ
 առաքեալ գնալ ի կողմանս արեւելից և յեր-
 կիրն Ասորեստանի քարոզել և ուսուցանել
 և անդ զնոր վարդապետութիւնն Վրիստո-
 սի , և շինել եկեղեցիս յամենայն գաւառս
 և ի գեօղս ի կողմանս արեւելից : Ապա կո-

շեցեալ նորա զամենայն ժողովուրդս և զիշխանս որ էին ի քաղաքին, և կարգեաց առ աջի նոցա ի կարգ եպիսկոպոսութեան յիւրում տեղւոջ զՂգդէ կերպասագործ, և զՓղոս ի կարգ երիցութեան և զԼբրչղամայ ի կարգ սարկաւազութեան: Աւմինչդեռ ժողովեալ էին առ նա նախարարք և գլխաւորք քաղաքին Վարքազաբա որդի Օչատէի և Սարիհաբ որդի Վարչամչայ, և Սնակա որդի Պատրիկայ՝ հանդերձ սլլովք եւս բազում ընկերօք իւրեանց. և ասէ ցնասա Ղգդէ առաքեալ. «Վիտէք դուք, և վկայէք ինձ ամենեքին որ լէքդ՝ թէ զամենայն ինչ որ միանգամ քարոզէցի և ուսուցի ձեզ և լուսոյք յինէն, այնպէս վարեցայ ի միջի ձերում. և տեսէք դուք զամենայն զգործս իմ. քանզի այսպէս պատուիրեաց մեզ Վրիստոս, զի զոր ինչ բանիւ քարոզեմք՝ զնոյն և արդեամբք կատարեսցուք առ աջի ամենայն ժողովրդոց. և ըստ կարգաց և օրինաց զոր ետ Տէր մեր աշակերտացն Աշուսաղէմ, և նովին վարին առաքեալքն և ընկերք իմ: Այնպէս և դուք մի փոխիք ի նոցանէ, և մի խտտորիք յաջ կամ յահեակ, և մի պահասեցուցանէք ինչ ի նոցանէ, և մի յաւելուք՝ զոր օրինակ վարեցայ ես ի միջի

ձերում և ոչ խոստրեցայ յաջ կամ յահեակ : Այլ մի պահասեցուցանէք ի նոցանէ ինչ , զոր օրինակ և ես նոքօք վարեցայ ի Տիմի ձերում , և ոչ փոփոխեցայ ի նոցանէ յաջ կամ յահեակ , զի մի օտարացաց ի կենացն խօստացերոց՝ որ պահեալ են այնոցիկ որ կան ի պատու իրանին զոր պատու իրեաց Քրիստոս :

“Օգոյշ լերուք ի պաշտամանդ զոր ընկալարուք . և ահիւ երկիւղիւ լիջիք կալ ի դմին , և պաշտել հանապօղ : Այլ մի լինիք արհամարհողք սովորութեամբ պաշտել հեզ գութեամբ ըստ կամաց , այլ մեկնութեամբ գրոց կալ ի հաւատս ճշմարտութեան (A6) , և օրհնութիւնն Քրիստոսի մի խափանեացի ի բերանոց ձերոց , և տաղակութիւն ի ժամ աղօթից ի միտս ձեր մի մերձեցի : Օգոյշ լերուք ճշմարտութեան աւանդութեանդ զոր ըմբռնեցէք , և վարդապետութեանդ զոր ընկալարուք ի ժողանդութիւն կենացն զոր աւանդեմ ձեզ : Վանդի առաջի բեմին Քրիստոսի խնդրի դա ի ձէնջ յորժամ առնի համար ընդ հալիւս և ընդ հովուապետս , և յորժամ խնդրէ (A7) զարծաթիւր ի վաճառահանաց իւրոց տակօսիւք և շահիւք , քանզի որդի թագաւորի է , և երթեալ է առնուլ թա-

գաւորութիւն և գառնալ և գալ, և առ-
 նել համար որդւոց մարդկան. և ապա յայ-
 սրմ ժամանակի նստի յաթոռ արդարու-
 թեան և գատի զկենդանիս և զմեռեալս որ-
 սկէս և ասաց մեզ, Մին աներեւոյթ խոր-
 հրդոց ձերոց ի լուսոյ նորա մի կախուցի,
 զի մի բազմացին գոյթակղութիւնք ձեր
 ի ճանապարհին յորում չիք գոյթակղու-
 թիւնք, և ոչ աղտեղի աղտ ունիցիք ի շա-
 ւիղս նորա, և եղիցիք ի խնդրել զկորու-
 սեալսն, և այց առնել մոլորելոց, և ուրախ
 լինել ընդ գտեալսն, գնել կաղանդս բեկե-
 լոցն, և սրահել անարաս զողջոյն, քանզի
 ի ձեռաց ձերոց խնդրին սրտք Վրխատոսի:
 Այլ մի ակն ունիք սրտուոյ անցաւորի, զի
 հովիւ որ ակն ունի սրտուել ի հօտե իւր-
 մէ, չարաչար կորուսանէ զխաչն իւր: Վաղ-
 մասցի հոգարարձութիւն ձեր առ գառինս
 անմեղս, զի հրեշտակք նոցա հանապազ տե-
 սանեն զերեսս Հօրն երկնաւորի, և մի լի-
 նիք գոյթակղութիւն սուաջի կուրաց, այլ
 հարթողք ճանապարհի և աներեւոյթ շաւ-
 ղաց ի դժուարին տեղիս ի մէջ Հրէից խա-
 չահանուաց, և ի մէջ հեթանոսաց մոլորե-
 լոց, քանզի ընդ այս երկուս կողմանս է
 ձեզ ճշմարտութիւն հաւատացդ զոր ունիք:

Եւ յորժամ զայս ամենայն առնէք, իբրեւ
 դուք ըւս կայք, տեսիլդ ձեր հեզ և ըզ-
 գասս՝ պատերազմի փոխանակ ձեր ընդ այ-
 նոսիկ ոչք ատեն զճշմարտութիւն և սիրեն
 զստութիւն : Եւ մի լինիք կուփիչք աղքա-
 տաց առաջի մեծատանց, քանզի շատ է նո-
 ցա ամենայնք չար աղքատութիւն իւրեանց :
 Եւ մի խարիք յազտեզի խորհուրդս սատա-
 նային, զի մի մերկ գտանիցիք ի հաւատոցդ-
 զոր զգեցոյք. զի դիւրին է ուրացութիւն
 քան զհաւատս, զոր օրինակ դիւրին են
 մեղք քան զարդարութիւն :

«Օգոյշ լերուք այսուհետեւ ի խաչա-
 հանուայն, և մի լինիք նոցա սիրելիք, զի
 մի պարտական գտանիցիք ընդ նոսա ա-
 բեանն Վրիստոսի, որպէս լի են ձեռք իւ-
 բեանց : Եւ գիտէք դուք և վկայէք թէ զա-
 մենայն ինչ զոր ասեմք և ուսուցանեմք՝
 գրեալ է ի գիրս մարգարէից, և եղեալ առ
 նոսա, և վկայեն քանք նոցա վարդապետու-
 թեանս մերում վասն ծննդեանն Վրիստոսի
 և վասն դատաստանի և շարչարանաց և յա-
 բութե և վերանալոյն, և միւսանգամ գալլու-
 տեանն Վրիստոսի : Եւ ոչ իմանան, և յոր-
 ժամ մեզ ընդդիմանան, ընդդէմ լինին
 մարգարէիցն իւրեանց. զի որպէս ի կեն

դանու թեան նոցա հալածեցին զնոսա, սոյն պէս և այժմ յետ մահուան նոցա ընդդէմ կռուին ճշմարտութեանն որ գրեալ է ի մարգարէսն : Օգոյշ լերուք և ի հեթանոսաց որք երկիրսգանեն արեգական և լուսնի, և Նելայ և Նարուայ հանդերձ այլովք որ ինչ յերկինս և յերկրի, զոր անուանեն նաքս Նսուած, որք ստեղծան Ղրարչէն ի սպաս և ի պէտս մարդկան, և շեն Նսուածք բնութեամբ : Փախերուք այսուհետեւ ի նոցանէ, քանզի արարածոց և ըստեղծուածոց ստեղծանեն երկիր, և որպէս տասցի յառաջագոյն թէ վասն այնորիկ եկն Տէր յաշխարհ, զի մի եւս մտլրելոցին մարդիկ զհետ անտեաց սաշտել զարարածս : Վաստն զի ակնարկելով Ղրարչին իւրեանց հաստատեցան և եղեն, և յորժամ կամի՞ լուծանէ և խախանէ զնոսա, և լինին իբրեւ գէղեղեարս, քանզի Ղրարիչն որ արարածս⁽⁴⁸⁾ ազատեաց զորդիս մարդկան ի ըմպ ծառայութեան հեթանոսութեան սաշտել զարարածս : Վանզի գիտէք ամենեքեան, թէ ամենայն որ թողու զթագաւոր և սաշտէ զճառայս նորա, չարաչար մահու գիպի :

Վի լինիք քննողք աներևութից և հարցոց ծածկեալ իրաց որ գրեալ է ի գիրս սուրբս

որ աւանդեցաւ ձեզ . մի պարտապանք բանից մարգարէից . հաւատացէք և տեսէք զի հոգւով Աստուծոյ են ասացեալք . և որ ուրանայ և ոչ հաւատոյ բանից մարգարէիցն , զորդի Աստուծոյ ուրանայ , և դատապարտեալ կշտամբի : Քան լիցի ձեզ առնել զայս , քանզի ճանապարհք Տեառն ուղիղ են , և արդարք գնան ի նոսա առանց գայթակղութեան , և ուրացողք գայթակղին ի նոսա . քանզի ոչ նայեցան աներեւոյթ ահամբ մտաց իւրեանց , այլ աշխատեցան զինի անօգուտ հարուածոց և դիճասակաբաց : Այլեցէք զգրեալն ի մարգարէիցն զոր քարոզեցաք ձեզ , զգատաստանս և զըստառնայիս մարգարէիցն , և զբանն Տեառն որ կնքէ զբանս նոցա . և հրով քննին , բոցիք մարդկան , վասն զի իբրեւ զհիւրս և բզպանդուխտս են ոյք մեծանան , և կանխեն ի տունս իւրեանց : Այսպէս համարեցիք զանձինս ձեր յաշխարհիս յայսմիկ . վասն զի չուերոց էք աստի , և երթալ յաշխարհն ուր երթեալ է Արդի՝ պատրաստել օթեւանս այնոցիկ ոյք արժանի են նոցա : Թագաւորք աշխարհաց յորժամ կամին ուրեք երթալ , զօրականք նոցա տաաջի նոցա երթան և պատրաստեն նոցա օթեւանս ըստ արժա

նի պատուոց նոցա : Այլ մեր թագաւորն Քրիստոս ինքնին երթեալ պատրաստել օթեւանս օրհնութեան զինուորաց իւրոց իջանել առ նոսա : Օ, ի ոչ եթէ ընդունայն ինչ արար Աստուած զորդիս մարդկան, այլ զի լիցին երկրորդութիւնք և փառաբանիչք աստուածութեան նորա և աստ և անդ՝ յաւիտեանս յաւիտենից : Օ, ի զոր օրինակ ինքրն ոչ անցանէ, և փառաւորիչք իւր ոչ անցանեն, վասն այսորիկ և մահս իսկ այս՝ որ վարիչ է ամենայն մարդկան, և ընդ լծով նորա հնազանդեալ են արդարք և մեղաւորք ի միասին, իբրեւ զքունս գիշերոց համարեցի սա յաչս ձեր :

Այլ յիշեցէք զի յորժամ երեւեցի նշան Արդւոց Աստուծոց, և խափանի մահ վարիչ մարդկան, և սատանայ որ յանցուցանէ զբաղումս և մարանչի ընդ ճշմարիտս, զի հեռացին ի ճշմարտութենէ : Օ, ի զոր օրինակ հողագործն յորժամ ձեռն արկանէ զմաւձով, եթէ դառնայ յետս՝ ոչ ուղիղ երթան ահօսքն առաջի նորա, սոյնպէս և դուք որ կոչեցարուք ի շնորհս պաշտամանս այսօրիկ, զգոյշ լերուք՝ մի շաղապատիցիք յիրս աշխարհիս այսօրիկ, զի գուցէ խափանիցիք յոր կոչեցեալ էք : Այս զիշխանս և զգա-

առաւորս որք մերձենան ի հաւատս յայս՝ սի-
 բեօջիք զնոսա առանց ակնառութեան . և
 եթէ մեզանչեն՝ լիջիք յանդիմանել զնոսա
 ճշմարտութեամբ . զի դուք ցուցիք նոցա
 զհամարձակութիւն ուղղութեան ձերոյ , և
 նքա խրատեցիմ , զի այլ մի եւս վարեցիմ
 բառ կամս իւրեանց : Այս իսկ հոգաբար-
 ձութիւն լիցի՞ ձեզ զամենայն առաւորս կե-
 նաց ձերոյ , զի զճեռ դործոց բարեաց եզի-
 ջիք ընթանալ , զի այլքն եւս յորդորեցիմ
 ի նոյն : Քանզի այսու գտանեն որդիք մորդ-
 կան զկեանս իւրեանց առաջի Աստուծոյ :
 Քայց զգիրս զոր ընթեռնուցուք յեկեղեց-
 ւոջ ժողովրդեան առաջի , զԱրարածս և
 զԱրարելս և զԱւետարանն և զԹուղթս
 Պաւղոսի , զոր ետ բերել Ախմոյն Պետրոսի
 Հռոմ քաղաքէ , և զգործս առաքելոցն զոր
 ետ բերել մեզ Յովհաննէս որդին Օկեբե-
 թեայ Աշիկեսս քաղաքէ ^(A) , զայն իսկ զայս
 գիրս ընթերցիք յեկեղեցւոջ Քրիստոսի .
 և այլ աւելի քան զոսա մի ընթեռնու-
 ցուք , քանզի չիք այլ ինչ յորում գրեալ
 է ճշմարտութիւն , բայց ի գիրս զոր ընկա-
 լարուք հաւատով յոր կոչեցարուք :

«Այլ տէրս մեր Աբգար Թագաւոր և պա-
 տուական նախարարք իւր՝ որք լուան զոր

ինչ խօսեցայ ես այսօր առաջի ձեր, բաւա-
կան են լինել ինձ վկայք ի կեանս իմ և ի
մահուան. զի զվարդապետութիւն Տեառն
քարոզեցի առաջի ամենեցուն յայանապէս,
և սրտորաստեալ եմ և այլոց եւս քարոզել,
և աւելի քան զբանն Տեառն ոչ ինչ ստացայ
յաշխարհիս յայսմիկ, քանզի բանն նորա
եղև ինձ բաւական, որով մեծացայ ես,
և մեծացուցի զբազումս: Օ, ի նա եղիցի
ինձ ուղեկից ի ճանապարհս յոր երթամ
ի քարոզութիւն ճշմարտութեան աւետա-
բանին և ի վարդապետութիւն հեթանոսաց
առաջի Վրխատոսի, որ առաքեացն զիս գնալ
ի սմա վասն վրկութեան հեթանոսաց և
հաստատութեան եկեղեցւոյ:

«Վայց զայս գիտեք դուք, զի ասացի
ձեզ յառաջագոյն՝ թէ ոգիք ամենայն մարդ-
կան որ ելանեն ի մարմնոց աստի՛ ոչ մեռա-
նին, այլ կան մնան կենդանի. և են նո-
ցա օթեւանքն և բնակութիւնք ի հանգա-
սեան. քանզի ոչ խափանին միտք և ուշ
ոգւոյն, վասն զի նկարագիր անմահին Վա-
տուծոյ նկարեալ է ի նմա: Օ, ի ոչ եթէ իբ-
րև զմարմին է նա անզգայ, որ ոչ իմանայ
զստրականութիւն տգեղութեան որ զնովա-
անկանի. բայց զվարձ հատուցմանն ոչ կա-

բէ ընդունել առանց նորա . զի ոչ եթէ
 հոգւոյն միայն է վաստակն , այլ և մարմնոյն
 յորում բնակեալն էր Աստուած ⁽⁵⁰⁾ : Օրդ
 Զանան անդ յանօգուտ . այլ դուք որ քը-
 րիստոնեայքդ էք և անուն նորա փառաւո-
 րեալ և թագաւորեալ է ի վերայ ձեր , ինքն
 ուղղէ զձեզ ի ճանապարհօ ճշմարտութեան
 երթալ ձեզ ընդ նա , և ժամանել և հասա-
 նել խոստացելոց բարեաց նոցա ⁽⁵¹⁾ , որ պահի
 այնոցիկ որ ոչ խոտորին ի պատուիրանաց
 նորա , այլ կան և մնան ի կոշմանն յոր կու-
 չեցան ի Տեառնէ ր :

Աւ զայս ասացեալ նորա՝ լռեալ դադա-
 րեաց Ադդէ առաքեալ ի խօսելոց : Տուեալ
 պատասխանի Ադդէի կերպասագործի թա-
 դաւորին և Փզրոտայ և Աբշղամայ հանդերձ
 այլովք ընկերօք իւրեանց , և ասեն յԱդդէ
 առաքեալ . « Ակայէ Քրիստոս որ առաքեաց
 դքեզ առ մեզ , և ուսուցեր մեզ զհաւատս
 ճշմարտութեան , և ստացաք զկեանս ստու-
 դութեան . զի որպէս լուսք ի քէն և ընկա-
 լաք ի ժամանակս զամենայն զոր եղեր դու
 ընդ մեզ , սոյնպէս կամք և մնամք զամենայն
 աւուրս կենաց մերոց , և յերկրպագութե-
 նէ կոոցն արարելոց և հաստատելոց՝ որոց
 երկիրպագանէին հարքն մեր , հրաժարիմք և

ուրանամք, և ընդ Հրեայս խաչահանուենս
 ոչ հաղորդիմք. ոչ թողումք, այլ սովիմք ե-
 լանեմք յաշխարհէս յայսմանէ: Այլ յուուրն
 Տեառն առաջի բեմին արդար դատաստա-
 նին, անդ դարձուցուք քեզ զժառանգու-
 թիւնս զայս որպէս ասացեր մեզ:»

Իբրեւ ասացան բանքս այսոքիկ, յա-
 բուցեալ ինքն Աբգար թագաւոր և գլխ-
 խաւորք իւր և ամենայն նախարարք իւրոյ
 թագաւորութեանն, և չոգաւ յապարանս
 իւր: Այլ տրտմեալ էին ամենեքեան յաղա-
 գըս մեկնելոյ նորա և գնալոյ ի նոցանէ:
 Այլ ետ տանել նմա Աբգար թագաւոր կա-
 ռասի բազում, և տեսեալ զայն Աղդէի,
 յղեաց առ Աբգար և ասէ. «Աթէ ոչ ի գա-
 լտեան իմում առ ի ինչ ի քէն, և ոչ առնեմ
 յիս սուտ զպատուէրն Վրխտոսի որ ասա-
 ցըն ցմեզ, թէ մի առնուցուք ինչ յումե-
 քէ, և մի ստանայք ինչ յաշխարհիս յայս-
 միկ:» Այլ յետ այլ եւս երից աւուրց յոր-
 ժամ խօսեցաւ զայս ամենայն սուրբ առա-
 քեայն թագէոս, և լուաւ նա, և ընկալաւ
 զվկայութիւն վարդապետութեան և քարո-
 զութեան իւրոյ ի սաշտօնակցաց իւրոց ա-
 ռաջի ամենայն նախարարաց և իշխանաց
 թագաւորին, համբարձեալ զձեռս իւր ի

վեր՝ եկաց յաղօթս, և օրհնեաց զնոսս. և ելեալ գնաց ընդ արեւելս: Այլ յուղարկեցին զնա ամենայն բաղմուծիւն մարդկանն. և էր օրն հինգշաբաթի, որ օր չորեքուսասն էր մարերի ամսոյ: Այլ սուգ մեծ և տրամուծիւն յոյժ եղև ամենայն քաղաքին վասն մեկնելոյ նորա ի նոցանէ. և ոչ եթէ քրիստոսնեայքն միայն լային, այլ և հեթանոսք և Հրեայք որ էին ի քաղաքին: Այլ և Աբգար թագաւոր առաւել քան զամենայն որ տրամեալ էր վասն գնալոյն նորա. նա և պետք թագաւորութեանն իւրոյ էին ի տրամուծեան մեծի. և անարգեաց (Աբգար) և եթող զպատիւ թագաւորութեան իւրոյ, և ոչ եկեր և ոչ արք յաւուր յայնմիկ. և լալով մեծաւ և արտասուօք յուղարկեաց զնա հանդերձ ամենայն եկեղեցեաւն: Այլ ամենայն բնակչաց քաղաքին սեսեալ զնա՝ զարմացեալ էին, թէ որքան վշտացեալ էր վասն նորա, զոր օրինակ յուղարկէ որ զմեռեալ: Այլ բաղում պատուով և մեծարանօք և տրամուծեամբ յուղարկէին զնա: Այլ նա ել գնաց ընդ արեւելս քարոզել զաւետարանն Քրիստոսի:

Ի այց Ադդէ որ աշակերտեցաւ նմա, եղև առաջնորդ և հրամանատար և ժառանգ

դաւոր աթոռոյն Ադդէի առաքելոյ ի ձեռ-
 նադրութիւն քահանայութեան, զոր ըն-
 կալաւ նա ի նմանէ առաջի ամենայն ուրուք,
 և հնազանդեցան ամենայն Արջադետք և ա-
 մենայն կողմանք արեւելից ընդ ձեռամբ
 Ադդէի ըստ վարդապետութեանն զոր ընկա-
 լաւ Ադդէէ առաքելոյ Վանդի յայնմ ժամա-
 նակի մայր քաղաքաց եղեւ Առհա ա-
 մենայն աշխարհին կողմանցն արեւելից, վա-
 սրն զի ի նմա նախ քարոզեցաւ աւետարաւ
 նրն Վրիստոսի, և անդ յառաջ շինեցաւ
 եկեղեցի, և անտի ընդունէին զձեռնա-
 դրութիւն եպիսկոպոսութեան ամենայն
 արեւելք, և հնազանդէին Ադդէի առաքե-
 լոյ, և լսէին նմա հնազանդութեամբ, և
 ընդունէին զքան նորա ասորժելով, և լի-
 նէին հաւատարիմ և բարիոք ժառանգա-
 ւորք վարդապետութեան առաքելոյն Վրիս-
 տոսի, և արծաթ և ոսկի յումեքէ ոչ առ-
 նուին, և ընծայք մեծատանց առ նա ոչ
 մտանէին, սյլ փոխանակ ոսկւոյ և արծա-
 թոյ՝ հաւատացելովք և սրբօք մեծացուցա-
 ներ զեկեղեցին Վրիստոսի: Այլ և գլուխք
 արանց և կանանց շքեղք և զգաստք սուրբք
 և պարկեշտ էին, և մենայեալ բնակէին
 ցնծութեամբ առանց աղտոյ, և արթունք

և զուարթունք և շքեղք ի պաշտաման , և
 հոգաբարձուք առ աղքատս և տեսողք հի-
 ւանդաց : Այլ գնացք նոցա էին վայելու-
 թեամբ առաջի տեսողաց իւրեանց . և վարք
 նոցա գովութեամբ զարդարեալ էին յար-
 տաքնոց , մինչև քուրմք անգամ Ասորուայ
 և Վելայ պատուէին և մեծարէին զնոսա յա-
 մենայն ժամ : Պատուականք էին տեսլեամբք
 և համարձակք բանիւք և ճշմարտոք խօսիւք
 և ազատք բարոյիւք . և ընդ ըսով ազահու-
 թեան ոչ հնազանդէին , և ընդ մեղադրու-
 թեամբ ոչ անկանէին , և ընդ երկիւղիւ ոչ
 փակէին . և ամենայն ոք որ տեսանէր զնոսա ,
 ընթանայր ընդ առաջ նոցա զի հարցանիցէ
 զողջունէ նոցա սիրով սիրապէս : Վանդի և
 տեսիլ նոցա խաղաղութիւն սիրէր ի վե-
 րայ տեսողաց , և իբրև զուսկան տարա-
 ծեալ էին բանք ողջունի իւրեանց ի վերայ
 ապստամբողաց : Այլ իբրև մտանէին ի գա-
 ւիթս սրբութեան և ճշմարտութեան , զի
 ոչ ոք էր որ տեսանէր զնոսա և խորչէր և
 գարչէր ի նոցանէ , քանզի ոչ ինչ անարժան
 և անպատեհ գործս գործէին , և վտան այ-
 սորիկ զուարթերեսք էին ի քարոզութիւն
 վարդապետութեան իւրեանց առ ամենայն
 ոք . զի զոր ինչ ասէին և ուսուցանէին և

խրատէին զայլս, ինքեանք գործովք ցուցանէին յանձինս իւրեանց : Այլ լսողքն յորժամ տեսանէին թէ ըստ խօսս իւրեանց գործք իւրեանց էին, և զոր բանիւք ասէին՝ զնոյն և արդեամբ կատարէին, ասպայնուհետեւ առանց աշխատութեան և առանց իրիք սլատճառանաց աշակերտէին նոցա, մեծապէս հնազանդութեամբ խոստովանելով ի Վրիստոս, և փառաւորէին զԱստուած և գոհանային ցնծութեամբ՝ որ գարձոյց զնոսա ի սնոտի մտորութենէ ի լուսաւորութիւն աւետարանին :

Այլ յետ ամաց ինչ մեռաւ Աբգար թագաւոր, և եկաց ի թագաւորութեանն մի յորդւոց իւրոց, այր չար և աստտամբող, լի ամենայն անօրէնութեամբ, որ ատեայր ըզխաղաղութիւն և ոչ ընդունէր զվարդապետութիւն քարոզութեան աւետարանին : Յզեաց առ Ադդէ եպիսկոպոս մինչդեռ նստէր յեկեղեցւոջն և խօսէր զպատգամս գրոց սրբոց յականջս ժողովրդեանն, և ասէ . « Արա ինձ խոյրս ոսկեղէնս զոր օրինակ առնէիր յառաջ հարց իմոց » : Այլ ոչ առ յանձն Ադդէ . առաքեաց անդրէն և ասէ . « Այ թողում ես զպաշտօնն Վրիստոսի որ աւանդեցաւ ինձ յաշակերտէն Վրիստոսի

Ագգէէ առաքելոյ , և առնեմ խոյրս անիրաւ
 ւու թեան 7 : Ալ իբրեւ եաես նա եթէ ոչ
 հաւանի նա կատարել զկամս նորա ,
 յլեաց խորտակեաց զարունս նորա մինչդեռ
 նստէր յեկեղեցւոջն և թարգմանէր ի մէջ
 ժողովրդեանն : Ալ ի մեռանելն իւրում
 երգմնեցոյց զՓղոտ և զԱբշղամայ , եթէ
 աստէն իսկ ի տանս յայսմիկ ուր մեռանիմս
 վասն ճշմարտութեան սորա՝ դիք զիս , և
 աստէն թաղեցէք : Ալ որպէս երգմնեցոյց՝
 նոյնպէս արարին . թաղեցին զնա ան-
 դէն ի ներքոյ քան զմիջի դռուն եկեղեց-
 ւոյն , ի միջի ընդ արս և ընդ կանայս : Ալ եղև
 սուգ մեծ և դառն յեկեղեցւոջն և յա-
 մենայն քաղաքին վասն իրացն եղելոց , որ-
 պէս եղև սուգ և տրամու թիւն յորժամ
 վախճանեցաւ բարիօք վկայութեամբ Ագգէ
 առաքեալ վարդապետն նորա ի ձեռաց ամ
 բարչոաց ի կողմանս արեւելից : Ալ քանզի
 իբրեւ խորտակեցին զոտս նորա՝ վաղվաղա-
 կի մեռաւ փութապէս , և ոչ ժամանեաց
 ձեռնադրել զՓղոտ , ապա գնացեալ Փր-
 զոտ Անտիօք , և ընկալեալ անդ զձեռնա-
 դրութիւն քահանայութեան ի Սրապիոնէ
 եպիսկոպոսէ . որ ինքն իսկ Սրապիոն ընկա-
 լաւ զձեռնադրութիւն ի Օկփրիանոսէ և

պիսկոպոսէ ի Հռոմ քաղաքէ, որոյ ընկալեալ գրահանայութիւն ի Սիմոնէ վիմէ՝ որ ընկալաւ ի Տեառնէ և եղև եպիսկոպոս ի Հռոմ քաղաքի ամս քսան և հինգ, յաւուրս Տիրերեայ կայսեր, որոյ թագաւորեալ անդ ամս երեքտասան⁽⁵²⁾, որպէս են աւուրք թագաւորաց: Ալ թագաւորութեանըն Մբգարու թագաւորի և ամենայն թագաւորաց զամենայն ինչ զոր հրամայեն թագաւորքն, և զամենայն որ ինչ միանգամ լինի խօսք առաջի նոցա, գրի և դնի ի տունս յիշատակաց: Սոյնպէս և յԱւահա քաղաքի Ղաբուբնա որդի Անակայ, որդւոյ Աբգաշարաց գպրի թագաւորին, զրեաց զամենայն ինչ որ միանգամ իրք եղեն Ագգէի առաքելոյ ի սկզբանէ մինչև ի կատարած, միաբանութեամբ ձեռնարկելով և Անանոյ հաւատարմի թագաւորին, և եգիսն ի տան յիշատակաց քարտիսից, ուր դնին մատեանք և օրէնք արքունականք, և որք գնեն և վաճառեն, և գրին ի միջի նոցա մուրհակք հաստատութեան, անդ պահին հաստատութեամբ⁽⁵³⁾:



Ի վարդապետութենէն (Թատերոսի սորբէ Արամեւելոյն ,
 Վասն աստի՛ն գիտի Խաչի ի յեռն իւրոսն իւրոսն
 Պատրոնիկեայ (1) :

Այլ արդ պատմեցից ձեզ վասն սուրբ
 Խաչին , որ ի ձեռն հաւատացելոց՝ որ իբրեւ
 զձեզդ էին , երեւեցաւ սքանչելի զօրու
 թեամբ , սուրբ Խաչն Քրիստոսի : Աին ոմն
 Պատրոնիկէ անուն Աղօղիայ կայսեր , որ եր
 կրորդ էր ի Հռոմ յետ Տիրերեայ կայ
 սեր . և եղև երթալ Աղօղիայ կայսեր ի
 պատերազմ ի Սպանիա , որք աստամբեցին
 ի նմանէ : Ինչ ժամանակս ընդ այնօրի էր
 Պետրոս ի Հռոմ քաղաքի , որ էր մի յա
 շակերտացն Քրիստոսի . տեսալ կնոջն
 Պատրոնիկեայ զնշանն և զսքանչելիան զոր
 առնէր Պետրոս յանուն Յիսուսի Քրիստո
 սի . զարմնայր և հաւատայր Ղ'ստուած ,
 և արհամարհէր զկուս և զնոսի պաշտա
 մունսն՝ որոց երկիրպագանէր : Այլ հաւա
 տայր Ղ'ստուած Հայր մեր և ի Տէր մեր

(1) Չատրերու թիւնս այլ և այլ օրինակացն զանց ա
 նեմք՝ բաց ի կարեւորագունից ամանց :

Յիսուս Վրիսառսս և ի Հոգին սուրբ, և
 Ընդունէր մկրտութիւն, և փառաւոր առ-
 նէր զՆսառած ընդ քրիստոնեայն, և սա-
 տուէր և մեծարէր զսուրբ զառաքեալն
 Պետրոս, և յօժարութեամբ ըէր նմա:

Եւ յեւս այսորիկ կամեցաւ երթալ Այրու-
 սաղէմ և տեսանել զտեղիան զայնոսիկ յորս
 շրջեցաւ Վրիսառսս և արար անդ զօրութիւն:
 Եւ փութապէս գնաց ի Հռոմէ և եկն Այ-
 րուսաղէմ ինքն և երեք որդիք իւր և երկու
 դասերբ, և մին էր կոյս, և այլ եւս բազ-
 մութիւն ընդ իւր, որպէս թագուհի մե-
 ծափառութեամբ եկեալ: Եւ ի մտաննն
 նորա Այրուսաղէմ՝ ելին ընդ առաջ նորա
 ամենայն քաղաքն, և ընկալան զնա մեծաւ
 սրատուով որպէս զդձևաց և զտիկին Հռո-
 մայեցւոց աշխարհին:

Եւ Յակովբոս էր առաջնորդ եկեղե-
 ցւոյն Այրուսաղէմի, իբրեւ լուաւ եթէ
 քրիստոստական հաւատովն է, եկն առ թա-
 գուհին որ էր յապարանան Հերոդի: Եւ
 իբրեւ ետես տիկինն զՅակովբոս՝ սրախ ե-
 ղեւ, և ընկալաւ զնա մեծաւ սրատուով որ-
 պէս զՊետրոս, և սրամեաց Յակովբոս ըզ-
 զօրութիւնան և զբժշկութիւնան Վրիսառսի
 տիկնոջն, և զտեղիան ուր յայանեաց զսքան

չելիս Վրիստոս որդին Աստուծոյ : Այլ ասէ
 թագուհին ց՛նջակովբոս . « Յոյց ինձ զՎող-
 գոթայն ուր խաչեցաւն Վրիստոս ի Հրէի-
 ցրն , և զխաչափայտն յորմէ կախեցաւ , և
 զգերեզմանն նորա » : Ասէ նա յանձնարար . « Այդ
 ոչ է ընդ մերով իշխանութեամբ , այլ Հը-
 րեայքն իշխեն , և ոչ տան թոյլ երթալ մեզ
 ի Վողգոթայն և ի նորութիւնն . և ոչ ըզ-
 խաչն ցուցանեն մեզ . այլ և հալածեն եւս
 զմեզ , և ի բանա և ի կապանս արկանեն ,
 և ի նեղութիւնս բազումս նեղեն զմեզ՝
 զի մի քարոզեսցուք զաւետարանն փրկու-
 թեան յանուն Վրիստոսի որով փրկեցան
 տիեզերք » :

Իբրեւ լուաւ զայս թագուհին , հրա-
 մայեաց կոչել զգլխաւորս Հրէիցն , զքա-
 հանայտն և զհրամանատարան , զԱնիա որ-
 դին Անանիայ , և զՎողգոթիս որդի Աստի-
 տիայ , և զՅուգա որդի Արգաստազամոյ (1) ,
 և ածին զնոսա : Ասէ ցնոսա տիկինն . « Տուք
 ի ձեռս նախարարաց և ընկերաց նորա զՎող-
 գոթայն և զՎերեզմանն և զխաչափայտն
 Վրիստոսի . և մի որ իշխեսցէ արգելուլ
 զդոսա ըստ պաշտամանն իւրեանց ստասա-

(1) Ունիւք՝ Արգաստազամոյ :

ւորել տեղեացն սրբութեանն : Այլ զայս
ասացեալ ցնոսա յարուցեալ ինքն և որ
դիք իւր և դասերք, և որ ընդ նմայն էին՝
տեսանել զտեղիան սրբութեան, և յանձն
առնել Յակովբայ և որ ընդ նմայն էին :

Այլ եկն եմուտ ի Վերեզմանն հան-
դերձ ուստերօք և դասերօք իւրօվք . և ե-
դիտ երիս խաչս, և ոչ գիտէր թէ որ իցէ
Վրիստոսին : Ի նոյն ժամայն անկաւ կոյս
դուստր նորա և եհան զողին առանց պատ-
ճառանայ իրիք : Վերել ետես դշխայն եթէ
մեռաւ դուստրն իւր առանց զնասու, ամ-
բարձեալ զաչս իւր և ծունր կրկնեալ կայր
յաղօթս և ասէր . « Վրիստոս Աստուած որ
ետուր զանձն քո ի մահ փոխանակ ամենայն
արարածոց, և ելեր ի խաչ ի տեղւոջս յայս
միկ վասն փրկութեան ամենայն մարդկան .
և մեռար և եդար ի գերեզմանիս յայսմիկ՝
զի կեցուցես զամենեւեան որ իցեն ի գե-
րեզմանս . և յարեար որպէս զԱստուած կեն-
դանարար յամենայնի, և յարութեամբդ
քո յարուցեր զբազումս ընդ քեզ : Այլ
արդ տէր Աստուած ամենայնի լուսցեն հե-
թանոսք և Հրեայք խաչահանուեք, և սորն
հար լինիցին նոքա ամենեքեան ինձ, և հե-
թանոսք մօլորեալք կուոյն պաշտօնեայք և

երկիրպագութիւնս զբոլորսն՝ յորոց դարձայ ես
 յաստուածգիտութիւնս, այժմ ուրախացի
 ցին այսին առնելով զիս և ասացեն. Այս
 եղև նմա յազազս թողլոյ նմա զաս-
 տուածսն, և խտատովանելոյ զՔրիստոս զոր
 ոչ գիտեր, և երթեալ պատուեալ զտեղի
 խաչելութեան նորա և զգերեզմանն որպէս
 զԱստուծոյ: Ազաչեմ զքեզ Քրիստոս փրկ-
 կիչ աշխարհի, լուր պաշտտանաց աղախնոյ
 քո վասն փառաւորեալ անուանդ քո սրբոյ.
 մի արգելուր զչնորհս բարերարութեան քո
 վասն անարժանութեան իմոյ, որ փոխանակ
 Արարչիդ պաշտեցի զարարածս, այլ վասն
 փառաւորեալ անուանդ քո սրբոյ ցոյց զըս-
 քանչեքիս քո այժմ, և արա առ մեզ զնշան
 բարի, զի մի հայհոյեցցի անուն քո սուրբ
 ի թշնամեաց խաչի քո: Քրիստոս փրկիչ իմ,
 մի անտես առներ զյուսացեալս և զապա-
 շինեալս ի քեզ: Ալ բազում հառաչանօք
 և արտասուօք գոչեր առ Տէր՝ զի արասցէ
 այցելութիւն որպէս զԱստուած:

Աստուցեալ առ զշխոյն երեց որդին
 իւր և ասէ. «Վուր ինձ մայր իմ զոր ա-
 սեմս, ինձ այսպէս թուի ի խորհուրդս իմ,
 եթէ մահս որ յանկարծահաս եղև քեռս
 իմոյ, ոչ եթէ ընդունայն ինչ եղև, այլ

նորասրբանչ և հրաշայի զարմանս զմտաւ ած-
 ցես, զի փառաւորեցի մեծ անուն Վր-
 բիստոսի, և ոչ եթէ հայհոյեցի վասն մահ-
 ուան սորա որպէս կարծեն չարքն: Ահաւա-
 սիկ մտաք ի գերեզմանս, և երիս խաչս
 տեսաք, և ոչ է յայտ եթէ որ է Վրբիստո-
 սին՝ յորոյ վերայ խաչեցաւն և եհեղ զա-
 բիւնն իւր սուրբ, և որ աւազակացն որ
 ընդ Վրբիստոսի խաչեցան ի Հրէիցն: Արդ
 այժմ մահուամբ քեռս խմոյ յայտնեցի զը-
 բուծիւն սուրբ խաչին՝ յորում խաչեցաւ
 Վրբիստոս Աստուած: Վանզի ոչ անփոյթ
 առնէ Վրբիստոս վասն այնոցիկ որ հաւա-
 տան ի նա և խնդրեն զնորհս ողորմութեան
 նորա: Յայնժամ ընկալաւ թագուհին զա-
 սացեալն յորդւոյն իւրմէ, և հաւատաց ե-
 թէ ի վերին շնորհացն ազգեցաւ նմա, և
 փոքր ինչ սթափեցաւ ի դառն սգոյն: Աւ-
 մատուցեալ առ զմի ի խաչափայտիցն և եղ-
 ի վերայ մեռելոյ դասերն իւրոյ, և եկաց
 յաղօթս առ Տէր և ասէ. « Վրբիստոս փր-
 կիչ աշխարհի, որ ցուցեր զղօրութիւնս և
 զսրբանչելիս ի տեղւոջս յայսմիկ, որպէս լը-
 ւաք և հաւատացաք ի քեզ: Յիսուս փր-
 կիչ և կեցուցիչ, եթէ քո է խաչս այս և ի
 սմա բեւեռեցար և տարածեցեր զբազուկս

քո զամենազօր , յայտնեա զմեծութիւն զօրութեան քո . որ առեր մարմին ի սրբոյ կուսէն Սարիամայ , և եղեր մարդ . և խաչեցար և շարչարեցար և եդար ի դերեզմանիս յայսմիկ . և յերրորդ առուր յարեար և յարութիւն սարգեւեցեր ազգի մարդկան . այժմ կենդանացո զգուստրս իմ յանուն քո խաչի , և փառաւորեցիս Տէր ի դառնալ հոգւոյ սորա ի սմա . և ամաչեցեն Հրեայք խաչահանուհք և հեթանոսք խաւարեալք ի ճշմարիտ լուսոյդ , և հաւատացեալք օրհնեցեն զքեզ Քրիստոս Աստուած որ աէրդես երկնի և երկրի » : Այլ ատացեալ զազօթըս զայս՝ լուռ լինէր իբրեւ ժամ մի , և ոչ ինչ երեւէր զօրութիւն խաչին : Այլ ի բաց առեալ զայն՝ դնէր զմիւսն , և դարձեալ կայր յազօթս առ Տէր հառաչանօք և արտասուօք և ատէր . « Տէր Աստուած որ յակնարկելդ քո արարան արարածք ամենայն՝ երևելիք և առներեւոյ թք . և հրամանաւ քո հաստատեալ կան ամենայն եղեալքս առ ի քէն : Աստուած յաւիտենական որ եկիր ի փրկել զտիեզերս ամենայն կամաւոր խաչելութեամբ քո , և կամիս զկեանս ամենայն մարդկան զի կեցցեն և ի գիտութիւն ճշմարտութեան եկեցցեն . զի դու ես մարդասէր փրկիչ : Քրիստ

տոս յոյս հաւատացելը՝ թէ քո է խաչս
այս յորոյ վերայ հեղեր զարխն քո, յայտ
նեա զզօրութիւն քո, և կենդանացս զգուս
տրը իմ. որ բազում մեռելոց յարութիւն
պարգեւեցեր քոց հաւատացելոց վա
տըն անուանդ քոյ սրբոյ, և լիցի ուրա
խութիւն հաւատացելոց ի ձեռն երեւ
ման սքանչելեաց քոց, և նկուն լիցին ատելիք
ճշմարտութեանն Հրեայք և հեթանոսք՝ որ
ոչ հաւատացին գալստեան քո և կամաւոր
չարչարանաց և մեծամեծ սքանչելեաց քոց
զոր ստիր ես առնել. այժմ երեւեցի
ի դատերս իմոյ. և մեք արժանի լիցուք
փառաւորել զքեզ Քրիստոս Աստուած ամե
նայն հաւատացեալքս ի քեզ. յոյս և ասպա
ւէն և օգնական. և ճշմարտեալ սիրով ընդ
ամենայն հաւատացեալս հանցուք զօրհնու
թիւն ամենազօր տէրութեանդ. : Աւ
ասացեալ նորա զայն՝ լուռ եկաց իբրեւ ժա
մբս երկուս, և ոչինչ ցուցանէր խաչն զօ
րութիւն սքանչելեաց սրովես յուսայրն : Աւ
յետ այսր ամենայնի ի բաց առեալ և զայն
եւս խաչ ի դատերէն իւրմէ, և առեալ զեր
րորդն դնէր ի վերայ նորա. և մինչ կա
մէր ամբառնալ զաչս իւր և հայել յերկինս
և բանալ զլերան իւր և կալ յաղօթս առ

Մտուած որդւոյն իւրով հանդերձ, նոյն ժամայն ի մերձենալ խաչին իսկ և իսկ ի դիակըն՝ յական թօթափել յանկարծակի դուստր նորա յարեալ ի մեռելոց . և յարուցեալ փառաւորէր և օրհնէր զՄտուած, որ խաչին իւրով կեցոյց զնա :

Իբրեւ ետես աիկինն եթէ ՚ի զօրութենէ խաչին յարեալ դուստր նորա ՚ի մեռելոց, զարհուրեալ հիացաւ յոյժ, և անկեալ ՚ի վերայ երեսաց իւրոց՝ երկիրագանէր և համբուրէր զսուրբ Խաչն Քրիստոսի . և գոհանայր ի վերայ անպատում սքանչելեացն՝ զոր կցոյց Տէր ի ձեռն զօրութեան սուրբ Խաչին . և փառաւորէր սուտերօք և դստերօք իւրովք զՏէր ամենակալ . և առաւել եւս հաստատէին ի հաւատոս՝ որ ի տէր մեր Յիսուս Քրիստոս և ի սուրբ Խաչ նորին, և թէ արդար և Յիսուս Քրիստոս է որդի Մտուածոյ, և այս՝ Խաչ նորա . որ և կենագործելոց է զհաւատացեալս իւր սովաւ, և ասպաւէն և օգնական և պահապան հաւատացելոց և յաղթութեան նշան ընդդէմ երեւելի և աներեւոյթ թշնամւոյն, որ հակառակին ճշմարտութեան աւանդիցն որ ի Քրիստոս Յիսուս : Ըսէ ցթագուհին որդին իւր . « Եթէ այս այսպէս ոչ էր լեալ, ոչ էր յայտնեալ զօ-

բուժիւն խաչին Վրիստոսի, և ոչնչութիւն
աւազակաց խաչիցն. ահա այսուհետեւ սուրբ
Խաչն Վրիստոսի մեծասցի, և մեք ուրախաւ
ցուք ի սքանչելի զօրութիւն նորա, և Վրիս-
տոս Աստուած սովաւ փառաւորեսցի այժմ
և յաւիտեանս ։

Եւ ասպա զխաչն Վրիստոսի ետ ց՝ Յակովբոս
զի զգուշութիւն պահեսցի և պատուեսցի. և
հրամայեաց շինել եկեղեցի ի Վողգոթա ուր
խաչեցաւն Վրիստոս, և ի գերեզմանին՝ ուր
թաղեցաւն. և զամենայն սուրբ տեղիան
պատուեաց շինուածովք, զի լինիցին ժողո-
վըդանոցք պաշտաման՝ յորս օրհնեսցի Վրիս-
տոս Աստուած ի տուէ և ի գիշերի։ Եւ տե-
սեալ դշխոյին զամենայն քաղաքն ժողովեալ ի
տեսիլ մեծի սքանչելեացն, հրամայեաց դստե-
րն իւրոյ՝ յորոյ վերայ զօրութիւն սուրբ Խա-
չին ցուցաւ, զի առանց սքողելոյ երեւեսցի
ժողովրդեանն՝ որ կամէին տեսանել, որպէս
զի տեսցեն զնա և փառաւորեսցեն զԱստ-
ուած ի վերայ անպատում սքանչելեացն՝
զոր ի նմա եցոյց ի ձեռն սուրբ Խաչին, զի
հաւատացեալքն ուրախասցին, և թշնամիք
Խաչին և ատելիքն Վրիստոսի յամօթ լիցին։

Իայց ժողովք Հրէից և հեթանոսաց
ուրացողաց յոյժ տրամեցան ընդ հրաշագոր-

ծուծիւնն որ եղև ի գարտեանն հաւա-
տացեալ դշխոյն , զի տեսանէին զբազումս
որ հաւատային 'ի Տէր . և համբաւ նշանա-
ցին յամենայն տեղիս պատմէր , և մե ծանայր
անուն Տեառն , և փառաւ որ լինէր ի վերայ
զարմանագործութեանցն , Այլ եղև խաղա-
ղութիւն (1) մեծ ամենայն եկեղեցւոյն Այրու-
սազէմի , և ի քաղաքսն որ շուրջ զնովաւ է-
ին . և լուեալ զայս տային օրհնութիւն Այ-
տուծոյ :


Այլ յետ այսր ամենայնի ել 'Դշխոյն Այ-
րուսազէմէ իւրովքն ամենեքումբք՝ զի երթի-
ցէ ի Հռոմ . և ուր հասանէր ի քաղաքս՝ գա-
յին ամենեքեան ի տեսութիւն գօտերն իւ-
րոյ յարուցելոյ 'ի մեռելոց . և ուսանէին ի
սքանչելեացն երեւումն ի ձեռն սուրբ խա-
չին Վրիտասի՝ : Այլ եմուտ ի Հռոմ դշխոյն ,
և պատմեաց Աղօդիայ կայսեր զամենայն ե-
ղևալն յանուն Վրիտասի ի ձեռն սուրբ Խա-
չին , որ երեւեցաւ գօտերք նորա կուսիւ
Այրուսազէմ՝ մեռանել և յառնել : Այլ Թ


(1) Յիշէ և Աուկաս զխաղաղութիւն եկեղեցւոցս այսր Ժա-
մանակի ի Գործս Առաքելոցն Գլ . Թ . 31 . « Բայց եկեղե-
ցին ընդ ամենայն Հրէաստան և ի Սամարիա և ի Գալի-
լեա ունէր խաղաղութիւն , շինեալ և երթեալ զհետ եր-
կիւզի Տեառն » :

(2) Առք՝ ուսանէին զսքանչելեաց իւրն փոխօրոյն :

ւեալ Արայսերն փառաւոր առնէր զԱստուած .
 և հրամայեաց զամենայն Հրեայն հալածել
 ի Հռոմայ : Եւ արդ սատմէր Վշխայն և
 Պետրոսի՝ զսքանչելիան որ եղեւ, նաեւ ա-
 մենեցուն զզօրութիւն Խաչին Վրխատոսի :
 Եւ ամենեցուն լուեայ փառաւորեցին զԱս-
 տուած :

Արդ՝ զայս ամենայն որ սատմեցաւ՝ ի
 միա առէք, և հաւատացէք ի Վրխատոս, և
 ունիցիք զսուրբ Խաչն կեցուցիչ և ապա-
 ւէն ամենայն հաւատացելոց որ յուսան ի
 Վրխատոս : Եւ Յակովբոս որ էր գլուխ և կե-
 ղեցւոյն Արուսաղէմի, որ էր հաւատարիմ
 այր ի Տէր, գրեաց զայս ամենայն զօր ետես
 ինքն, և ծանոյց առաքելոցն որ էին քա-
 ռողք Վրխատոսի և ընկերք Յակովբայ, նը-
 մանապէս և նօքա քարոզեն և ցուցանեն
 զզօրութիւնն և զսքանչելիան որ ի Վրխատոս :
 Եւ զկնի մահուանն Աղօղեայ և Պատրոնի-
 կեայ Հրեայքն գրգռեալ ի վերայ հաւա-
 տացելոցն, և յարուցեալ հալածանս՝ փա-
 խստական արարին զհաւատացեալն . ըս-
 պանին և զՅակովբոս զեղբայրն Տեառն, և
 առեալ թաղեցին զսուրբ Խաչն յերկրի ի
 տեղւոջ գաղաթանն՝ անյայտ ի մարդկանէ :





Ծ Ա Ն Յ Թ Ո Ւ Թ Ի Ի Ն Ք

1. Եթուական Սեչեւկիացւոց, որ համապատասխանէ գրեալ թէ 32 ամաց ծնընդեանն Վրիստոսի : Օսոյն թուական ի գործածէին և Եգեսացիք, որ սկսանի ի թագաւորութենէն Սեչեւկիացւոց :

2. Ի բնագիրն և գեալ էր յայանի սխալմամբ՝ Իսֆահան :

3. Սանդուղ անուանէին Ասորիք զհայրն Աբգարու, որ է Աբշամն ըստ Սովսէսի Խորենացւոյ, որպէս տեսցի ի ստորեւ և այսու անուանակոչութեամբս :

4. Սխալեալ համարի և աստ, զոր փոքր մի յետոյ ուղղէ Սարգիս կոչելով, որ էր ըստ Խորենացւոյ և ըստ Յովհաննու կաթողիկոսի՝ բղեաշխ Աղձնեաց : Իսկ Շահաբադ նահապետ էր Ապահուենեաց :

5. Սֆինդ է Սաւինոսն՝ որդի Եւստորգեաց, ըստ Խորենացւոյն . Բ . 30 :

6. Ինթերցիր զգլուխ է համար . 14—36 Յովհաննու աւետարանին :

7. Օր Խորենացին Փրիլի կոչէ, աստ Իթիլի ասէ, զոր Վիկտոր Անկլոս յարմարագոյն համարի ի բերան հեթանոս սպառմագրին :

8. Արժանի դիտողութեան է աստ սրատասխանին զոր տայ Քրիստոս թղթոյ Աբգարու արքային, ոչ գրով այլ բանիւ լուհով, որ հաւատարմագոյն եւս է՝ ակնարկեալ մտօք ի հանգամանս կենաց և վարուց Փրկչին, իսկ խորենացին զի ասէ գրով աւարեալ զպատասխանին ի ձեռն թովմայի առաքելոյ, զորոյ և զպատճէնն ի մէջ բերէ, տայ մեզ կարծել՝ եթէ բաց ի յիշատակարանացն՝ երուբնայ՝ էին նորա և այլ աղբիւրք յորոյ ան ժողովեաց զդէպս իրաց այսր ժամանակի, որպէս հաւաստի ցուցանեն համառոտ խմատք պատասխանուոյն Սառնոսի առ Աբգար (Բ. 30.) և նամակքն զորս ընդ Տիբերեաց կայսեր թղթեաց, յորս գտանին սրտադայք ինչ իրաց՝ զորովք զանց առնէ անուանեալ պատմագիրս մեր այս :

9. Ադդէ կամ ըստ այլոց Ադէ անուանէ զսուրբ Առաքեալն թագէտս, թերեւս ըստ Ասորւոյն հնչման, յորմէ մակարերի՝ եթէ և աշակերտ իւր կերպասագործն Ադդէ որ յաջորդեաց զնա, յիւր անուն կուչեցաւ :

10. Սովսէս խորենացի, յորմէ առեալ և Յովհաննէս կաթողիկոս՝ զՏուբիա ասեն լինել ի տոհմէն Քազրատունեաց, և սաշ-

տել զհրէութիւն :

11. Առաջեաց բայն ունի աստ զնշանա-
կութիւն ազգելոյ կամ ծանուցանելոյ, որ-
պէս և ի ասորեւ յերկուս տեղիս :

12. Արկնութիւն համարին բառքս ի-
դրոյն :

13. Աստի սկսանի բնագիրն կայսերական
գրատան Վարիզու (ըստ գաղղ. թարգմա-
նութեան,) պատմել զգիւտ խաչին՝ որ ե-
ղև ձեռամբ Պատրոնիկեայ աիկնոջն Աղջ-
գիայ կայսեր :

14. Ի բնագրին՝ անդոյր :

15. Օնախադրութիւնն Տէր յ, որ պակա-
սէր, յաւելաք առ ի պարզութիւն մասցին :

16. Վաղղ. թարգմանութիւնն զանց
առնէ ի մէջ բերել զքարոզութիւնս սուրբ
առաքելոյն :

17. Ի բնագրին՝ արո-էսփից :

18. Ի բնագրին՝ Տէր-ի-եանցն :

19. Թուի մսուացեալ նախգիրն փոխա-
նակ գրելոյ՝ յիմաստութեան և ի զօրութեան փառա-
ւորի որդի ճարտոյ : Իսկ բառքդ ճարտինս նորա ծի-
բանիս, եթէ չգուցեն վրիպակք գրչի, մե-
կնութեան են կարօտ :

20. Նշանաւոր է վարդապետութիւն
գաւանտութեանս առաջնոց և առաքելական

դարուն, այն է ասել՝ Արամի խելալ մարդկեղէն մարմնովն, որում հետեւի ցարդուղղափառ եկեղեցին Հայաստանեայց, որ և յերգս սրբասացութեան իւրում երգէ ուղղափառ մտօք :

21. Թուի և աստ թերութիւն իմաստից լինել, կամ այլայլութիւն բառից :

22. Ընթերցիր լէզուս :

23. Անիբ կամ Անայիբ ըստ անուանելոյ Փիւնիկեցւոց և Ամօրհացւոց՝ է լեռունն Հերմօնի, կամ լաւ եւս՝ շղթայք լերանցն Հերմօնի յայնկոյս Յորդանոսի, մերձ յաղբերակունս նորա : Յայնոսիկ կողմանց ասէ լինել հայրենեօք սուրբ Առաքեալս . իսկ առ հնադոյն պատմիչս ոչ սուրեք գտանի աւուն հայրենեաց սրբոյն, զոր ոմանք կարծեօք ասացին զնա Անտիոքացի լինել :

24. Ի մեծ ճառքնորին, համար 1. հատ Ա. գլուխ. հէ, առեալ ի սոյն գրոց Թադէի, յաւելուածով իմն, և ուրեք փոփոխութեամբ բառից և կազմութեամբ իմաստից խօսի վասն յարութեան մեռելոց, զոր արժան համարիմք աստէն գնել. «Արդ հոգիք ամենայն մարդկան որ ելանեն ի մարմնոց աստի, է նոցա օթեւանք և բնակութիւն ի հանգստեան . քանզի ոչ խափանին միտք

և ուշ ոգւոյն, քանզի նկարագիր անմահին
 Աստուծոյ նկարագրեալ է ի նոսա, զի ոչ է
 իբրեւ զմարմին անզգայ որ ոչ իմանայ զա-
 պականութիւն տգեղութեան որ զնուլա-
 անկանի, բայց վարձ հասուցման ոչ կարէ
 ընդունել առանց նորա, քանզի ոչ եթէ
 հոգւոյն միայն է վաստակն, այլ և մար-
 մնոյն՝ որ բնակեալն է ի նմա, Վայց վասն զի
 եկն Տէր մեր յաշխարհ, զի ուսուցանիցէ
 և յայանեսցէ մեզ, եթէ կատարած աշ-
 խարհի լինի, և յարութիւն մեռելոց մարդ-
 կան, և յայնմ աւուր նկարին վարք իւ-
 րեանց, և լինին մարմինք նոցա որպէս մա-
 գաղաթ լի գրով ճշմարտութեան, Այլ ոչ որ
 է որ ոչ գիտէ զգպրութիւն, քանզի ամե-
 նայն որ ընթեռնու գգիր գպրութեան իւ-
 րոց, և զհամար գործոց իւրոց ի մատունս
 ձեռաց իւրոց ունիցի, որպէս զի տգէտք և
 տխմարք և գիտունք տեղեակք լինին գպրու-
 թեան նորա, յորում ոչ որ ասիցէ ցընկեր
 իւր, թէ եկ ընթերցիր ինձ զայս, վասն զի
 մի վարդապետութիւն և մի ուսումն թա-
 գաւորէ ի վերայ ամենայն մարդկան, Վան-
 զի այժմ խորհրդովք ձերովք պատճառէք
 զանգիտութիւն, բայց ի ճշմարտութենէս
 ոչ կարէք պատճառել, յասել մարգարէին՝

եթէ, Նշխարին ամենեքեան ուսեալք յ՛ս
տուծոյ ։

25. Ի բնագրին՝ նոյա, թէպէտ և այնպէս
մթին են իմաստք ։

26. Օսոյտտիկ անուանս կոոց յիշէ և
Խորենացին ի Բ. 3 ։

27. Ի բնագրին՝ էն ։

28. Հաւատացեալք՝ Վրիստոսի կոչե-
ցան յամի ճննդեան Վրիստոսի 42, ութ
ամաւ յետոյ քան զքարոզութիւնն թմարէի.
ուստի յայտ է՝ եթէ նա ինքն հեղինակն յե-
տոյ մուծեալ է ի գիրս իւր զանուանակոչու-
թիւնս որ տուաւ հասարակ հաւատացելոց .
և կամ թարգմանիչք յայս բառ հեղին ըստ
ընդհանուր սովորութեան ։ Այսու ան-
ուանակոչութեամբ վարի և Խորենացին ի
Թղթին Տիբերեաց առ Աբգար ։

29. Ի բնագրին՝ նմա ։

30. Ի բնագրին՝ երկրի ։

31. Ի բնագրին՝ նոյա ։

32. Թուի վրիպակ գրչի, փոխանակ գը-
բելոյ իմո՛ճ ։ Իսկ յասելն՝ յիշաց առ իս, չէ
պարտ իմանալ զթուղթ, այլ զլուր կամ
զճանօթութիւն զանձնէն, զոր վերագոյն
առաջ ասաց, այն է ճանոց, որպէս յետա-
դոյ բանիւքն պարզարանէ ։

33. Ի բազրին՝ սարգիւն-խեմբ, թերեւս
ընթեռնի է՝ սարգիւն-խեմբ :

34. Սովետս Խարենացի կոչէ զնա Ան-
նուն . իսկ զկինն Աբգարու՝ Հեղինէ , զոր բը-
նագիրն՝ Վերուբնայ Շղամաթէ կոչէ , այն
է Շղամէ կամ Սողամէ :

35. Ի բնագրին՝ Սիւրբ-Լաւ շախնայն :

36. Ղաւարիս նկարագիր քրիստոսական
եկեղեցւոյն հիմնեալ ի վերայ ազատու-
թեան կամայ և խղճի մտայ մարդկան :

37. Եթէ նոր կտակարանաւ սարտիմք
խմանալ զչորեօին աւետարանն , համարի
այս՝ որպէս ի յառաջարանիս ասացաք , վրի-
սակ ժամանակագրական , քանզի որ քան
զայլ աւետարանիչն կանխեաց գրել զՎր-
քիստոսէ՝ Սատթէոս , սակայն և նա փոքր ինչ
յետոյ էր քան զվկայութիւն Ադգէի : Այն-
պէս եթէ ասելովն զհոգիս սուրբն՝ սար-
տիմք խմանալ զերկրորդ գիրսն՝ Վուկասու ,
գարձեալ սխալի ընդդէմ կարգի ժամանա-
կաց , զի յոյժ յետոյ քան զնահատակու-
թիւն թաղէի գրեցաւ այն : Սոյն օրինակ
են և զսրս յերեւ 50 , ճանօ 49 , խօսի ըղ-
թիւթոցն Պօղոսի , և ըստ ամենայն հաւա-
նութեան՝ յետոյ մուծան յասորական բնա-
գիրսն առ զգուշութիւն հաւատացելոց :

38. Անյայտ է բառս հլալաշէից, եթէ չգուցէ սխալ յուղղագրութեան :

39. Ի բնագրին՝ Ի սոր-գոր-ի-ն :

40. Ի բնագրին ունէր անուն, զոր ըստ մտացն ուղղեցար :

41. Սովսէս Խորենացի զպատճէն թրղ-
թոցն Աբգարու առ Ներսէ՛հ ի մէջ բերէ,
առեալ ամենայն հաւանութեամբ՝ յայտ-
ցիկ գրոց. իսկ թարգմանիչք որ համառօ-
տողք համարին յիշեալ գրոցն, զանց առ-
նեն զթղթովքն, զիմաստսն և եթ բաւական
վարկուցեալ ածել ի տեղեկութիւն :

42. Խորենացի յաւելու աստ յիւրմէ,
որպէս ինձ թուի, զյատկացուցիչ բառս
Հայոց : Քանզի ի գիրս յայսմիկ ոչ ուրեք
Աբգար կոչի թագաւոր Հայոց, այլ արքայ
Լգեսիայ, որով հաստատի հեղինակ գրոյս
Ասորի լինել աղգաւ, և այն ինքն է դիւա-
նագպիր նորին Ներսէ՛հա : Իսկ ի թուղթ-
սն եւս գտանին յաւելուածք կամ յապաւ-
մունք իմաստից և ամբողջ պարբերու-
թիւնք առ Խորենացին, որպէս ակներեւ
տեսանի ի բաղդատել մեր ընդ միմեանս,
ոյր վասն ի մէջ բերեմք. նախ զթուղթն
Աբգարու առ Ներսէ՛հ :

«Աբգար արքայ Հայոց, որդւոյ իմոյ
Ներսէսի խնդալ:—Օգիր սղջունի քոյոյ տե-
սի, և զՊերող լուծի ի կապանաց, և զվը-
նաս նորա թողի նմա. և եթէ կամ իցէ
քեզ, կարգեսցես զնա ի վերակացութիւն
Մինուէի՝ որպէս և կամիս: Այլ վասն այնր
զի գրեցեր առ իս, թէ տուր ածել զայրդ
բժիշկ որ զնշանագ առնէ և քարոզէ այլ
աստուած ի վեր քան զհուր և զջուր, զի
տեսից և լուայց դմա, նա ոչ էր բժիշկ ըստ
արուեստի մարդկան, այլ աշակերտ էր որդ-
ւոյն Աստուծոյ արարչին հրոյ և ջրոյ. և վի-
ճակ հասեալ ի կողմանս Հայոց առաքե-
ցաւ: Բայց յընկերաց նորա գլխաւորաց
Սիմոն անուն, նա ի կողմանս Պարսից ա-
ռաքեալ է. խնդիր արարեալ լուիցես նմա,
յորժամ և հայրն քո Արտաշէս: Այլ նա
բժշկեսցէ զամենայն հիւանդութիւնս, և
ճանսպարհ կենաց ցուցցէ »:

ԹՎՆՆԻ ԱԲԳԱՐՈՒ ՄՄ ՏԻԲԵՐԻՈՒ:

«Աբգար արքայ Հայոց, տեառն իմում
Տիբերի կայսեր Հռովմայեցւոց խնդալ:—
Վիտելով իմ թէ ոչ ինչ ծածկի ի քումմէ
թագաւորութենէդ, այլ իբրեւ զմտերիմ
քո աւելի եւս իմացուցանեմ իձեռն գը-

բոյ , զի Հրեայք որ բնակեալ են ի գաւառս Պաղեստինացւոց , ժողովեալ խաչեցին զՔրիստոս առանց իրիք յանցանաց՝ ի վերայ մեծամեծ երախտեացն զոր արար առ նոսա նշանս և սքանչելիս , մինչեւ զմեռեալս անգամ՝ յարուցանել : Այլ գիտեա՛ զի զօրու-թիւնքս այս ոչ են տակ մարդոյ՝ այլ Աջտուճոյ . զի և ի ժամանակին յորում խաչեցինն զնա՝ արեգակն խաւարեցաւ , և երկիր շարժեալ տատանեցաւ . և ինքն յետ երկոց աւուրց յարեաւ ի մեռելոց , և երեւեցաւ բազմոց : Այլ այժմ՝ յամենայն տեղիս անուն նորա ի ձեռն աշակերտաց նորա սքանչելիս մեծամեծս կատարէ . որ և սու խինքեան եցոյց յայտնապէս : Այլ արդ այսուհետեւ տէրութիւնդ քո գիտէ . որ ինչ որ ժանն է հրամայել ի վերայ ժողովրդեան Հրեից որք զայն գործեցին , և գրել ընդ ամենայն տիեզերս զի երկիրսդագեոցեն Քրիստոսի իբրեւ ճշմարիտ Աջտուճոյ : Աղջլեր ։

Պարտիանի Լիւիյն Աբգարոս ի Տիբերիոյ :

« Տիբերիոս կայսր Հռովմայեցւոց , Աբգարու թագաւորի Հայոց խնդալ : — Օթուղթ մտերմութեանդ քո ընթերցան

առաջի իմ, վասն որոյ շնորհակալութիւն ի մէնջ քեզ հասցէ : Թէպէտ և ի բազմաց մեր լուեալ զայդ յառաջագոյն, եցոյց և Պիղատոս ստուգապէս վասն նշանացն նորա, և եթէ յետ յարութեանն ի մեռելոց հաւատարիմ եղլէ բազմաց՝ թէ Մատուած է : Վասն որոյ և ես կամեցայ առնել զայդ՝ զոր և դու խորհեցար : Մը քանզի սովորութիւն է Հռովմայեցւոց՝ Մատուած ի հրամանէ թաղաւորի միայնոյ ոչ նստուցանել, մինչև ոչ փորձեալ քննեցի նա ի Սինգղիտոսէն, վասն որոյ և իմ յայտնեալ զբանս զայս Սինգղիտոսին, արհամարհեաց Սինգղիտոսն՝ զի ոչ քննեցաւ նա յառաջագոյն ի տմանէ : Մը մեք տուար հրաման ամենայն ումեք որում և հաճոյ թուեցի Յիսուս՝ ընկալցին զնա ընդ Մատուածս, և մահ այնուցիկ տրաւնացեալ որ շարախօս կայցեն ըզբրիստանէից : Եւ վասն ժողովրդեանն Հըրէից՝ որ յանդգնեցան խաչել զնա, զորմէ լսեմ թէ ոչ արժանի խաչի էր նա և մահու, այլ սրտաւ ի և երկրպագութեան, յորժամ առից պարսպումն ի պատերազմէս Սպանիացւոց ապստամբողաց յինէն, քըննեալ հատուցից նոցա զարժանն ։

Երեւոյ Բնակ Երգերն — Տե՛ղի :

« Երգար արքայ Հայոց . տեառն իմում
Տիբերի կայսեր Հռովմոյեցւոց խնդալ : —
Օ թուղթ գրեալ ըստ արժանի քոյոյ
տէրութեանդ՝ տեսի , եւ ընդ հրաման
մտածութեանդ քո ուրախացայ . եւ եթէ
ոչ ցասնուցուս ինձ , գործ Սիգիստոսիդ
յոյժ այսպանելի է . քանզի առ դոսա ի քըն
նութենէ մարդկան տուեալ լինի աստ
ուածութիւն : Եւ արդ այսուհետեւ եւ
թէ ոչ լինիցի հաճոյ Աստուածն մարդոյն ,
Աստուած լինել նա ոչ կարէ . եւ իբրեւ յայս
մանէ մարդոյն արժան է քաւել զԱստուա
ծըն : Եւ այց քեզ տեառն իմոյ հաճոյ թը
ւեցի առաքել զայլ ոք Ալբուսաղէմ փո
խանակ Պիղատոսի , զի լուծցի նա անարգա
նօք յիշխանութենէն յոր կարգեցեր զնա ,
վասն զի արար զկամս Հրէիցն , եւ խաչեաց
Գրիստոս ի տարապարտուց առանց քոյոյ
հրամանի : Ողջ լինել քեզ ըզձամ » : Բ . 33 .
Ի յեւոգիրն :

Երժանի դիտողութեան համարի աստ ,
զի ի բնագրիս Վերուբնայ , եւ կամ որ լաւ
եւս է ասել՝ ի հայ թարգմանութեանս նու
րին ոչ ինչ բանք լինին ոչ ի թղթին Եր-

գարու և ոչ Տիբերեայ վասն տալոյ զՎրիտ-
տոս պաշտել ի Հռովմայեցւոց, և կամ
կարգել զնա ի շարս Աստուածոց : Կարձեայ՝
Մովսէս Խորենացի երկրորդ իմն թուղթ
Աբգարու ի մէջ բերէ ի պատասխանի գը-
րոյն Տիբերեայ, զոր բնագիրս մեր չունի .
վասն որոյ Հաստատին կարծիք մեր՝ եթէ
ունէր Խորենացի ի ձեռին և այլ աղբիւրս
պատմութեանց բաց ի գրոցս Վերուբնայ :

Ի թղթին Տիբերեայ՝ ուր յիշատակի Վը-
ղանոս եպարքոս, Վ իկտոր Վանկլոս վրիպակ
գրչի Համարելով զայն, և ի բնագրէ Խորե-
նացւոյն ուղղելով կամի ընթեռնուլ զՎրա-
նոսդ՝ Պիղատոս, այլ որովհետեւ և Պիղա-
տոս դատաւոր յանուանէ յիշատակի մաս-
նաւորապէս, և այն ոչ իբրեւ ազգարար ի
բացն եղելոց, այլ առաւել իբրեւ ամբաս-
տանեալ յայլմէ, վասն որոյ և իբրեւ առան-
ձին որ լինել բաց ի Պիղատոսէ՝ պաշտօնիւ-
եպարքոսութեան կացեալ յերկրին Պաղես-
տինացւոց : Հաստատի այս և նորին իսկ
բանիւք Տիբերեայ, որ զՊիղատոսէ խօսե-
լով ասէ, եթէ « առաքեցի նմա փոխանակ,
և զնա լուծի թնամանօք, զի անց նա զօրի-
նօք, և արար զկամս Հրէից » : Հաստատի
եւս երկրորդ թղթովն Աբգարու ի պա-

աստիանի կայսեր, յորմէ խնդրէ զայլ ռք
առաքել վոխանակ Պիղատոսի, և զնա լու-
ծանել անարգանօք :

43. Ի պարբերութեանս բառք ինչ պա-
կասին, որոյ վասն մնայ առանց խմաստից :
Վաղղ. Թարգմանութիւնն ունի. Et si ce
phénomène avait duré encore tout, l'univers et tous les
fils des hommes auraient été anéantis. « Եւթէ այ-
սորիկ նշանք (երեւոյթք բնութեան) տեւե-
ին տակաւին, արեղերք համօրէն և որդիք
մարդկան սպառեալ բնաջինջ լինէին » :

44. Եւթէ շգուցէ վրխոյակ գրչի, խմանի
զօրութեամբ՝ շք արարեալ էր իճ անդ Գաղղ .
և կամ ընթեանու լ' արարեալ էր իճ : Իսկ
Վաղղ. Թարգմանութիւնն ունի Quant à ce
que le juge Pilate a fait dans tes domaines. « Եւ վա-
սըն Պիղատոսի գատաւորի որ արար յերկրի
իշխանութեան քում » : Ար է յայտնի վրխոյակ
Թարգմանութեան և կամ իւրոյ բնագրին :

45. Նոյն է՝ զոր վերագոյն Արտեգիսա
կոչեաց, զոր ի գաղղիերէնին ^{Aratico} Թարգ-
մանէ :

46. Ի բնագրին՝ Ճնարար-իւն-ի :

47. Թոսի մտացեալ բայս ինչիւն, զոր
յուեւրաք :

48. Նոյնպէս և աստ պակասին բառք :

49. Տես վերադոյն ի ծանօթութեան 37 :

50. Ի բնագրին շխարհած :

51. Իմա կամ փոխանակ գրելոյ նորա, և
կամ՝ Բարեցն շը ի խարացաւ նոցա :

52. Վերջին այս պարբերութիւն աւանց երկրայութեան համարի յետոյ յաւելեալ, յորում գործի տղիտարար վրիպակք ժամանակագրականք, դնել զԱրապիոն ժամանակակից Փղոտոյ, զի յետոյ եկաց նա յոյժ յԱթոռն Անտիոքայ. նոյնպէս և Օբփրիանոս Եպիսկոպոսն Հռովմայ, որ նստաւ յԱթոռն ի կատարած կոյս երկրորդի դարու :

53. Բնագիրն Բարիզու յաւելու ի վախճանին՝ Անդ պահին հաստատութեամբ աւանց արհամարհանաց :



